



FLETORJA ZYRTARE

E

REPUBLIKËS SË SHQIPËRISË

Botim i Qendrës së Publikimeve Zyrtare

Nr.76

2004

28 tetor

P Ë R M B A J T J A

Faqe

Vendim i ERE nr.42, datë 1.10.2004	Për miratimin e sistemit të informacionit që i licencuari duhet të dërgojë në ERE.....	5715
Vendim i ERE nr.43, datë 14.10.2004	Për dhënien e licencës për shfrytëzimin dhe prodhimin e energjisë elektrike shoqërisë “Marjakaj” sh.p.k.....	5727
Vendim i ERE nr.44, datë 14.10.2004	Për miratimin e rregullores për procedurat e licencimit për ndërtimin dhe shfrytëzimin e centraleve elektrike me kapacitet të përgjithshëm jo më të madh se 5 MW dhe prodhimin e energjisë elektrike nga këto centrale.....	5727
Vendim i ERE nr.45, datë 14.10.2004	Për miratimin e licencës për ndërtimin, instalimin e centralit elektrik me kapacitet të përgjithshëm jo më të madh se 5 MW dhe prodhimin e energjisë elektrike.....	5734
Vendim i ERE nr.46, datë 14.10.2004	Për miratimin e licencës për prodhimin e energjisë elektrike nga centralët elektrike me kapacitet të përgjithshëm jo më të madh se 5 MW.....	5746
Vendim i ERE nr.47, datë 14.10.2004	Për përcaktimin e çmimit të shitjes së energjisë elektrike nga kompania “Juana” sh.p.k.....	5755

Vendim i ERE nr.48, datë 21.10.2004	Për miratimin e sasisë së energjisë elektrike të përlogaritur për t'u faturuar aforfe për abonentët familjarë pa matës për periudhën 1 tetor 2004–31 dhjetor 2004.....	5755
Vendim i ERE nr.49, datë 21.10.2004	Për miratimin e mënyrës së faturimit të energjisë elektrike për abonentët familjarë dhe jofamiljarë me matës jashtë kushtit teknik.....	5757

VENDIM
Nr.42, datë 1.10.2004

PËR MIRATIMIN E SISTEMIT TË INFORMACIONIT QË I LICENCUARI DUHET TË DËRGOJË NË ERE

Në mbështetje të ligjit nr.9072, datë 22.5.2003 “Për sektorin e energjisë elektrike” neni 8, pika 2, germa f dhe g, në të cilat shprehet e drejta dhe autoriteti i ERE-s për të monitoruar dhe kontrolluar shërbimet e të licencuarit, si dhe autoriteti i saj për të inspektuar dhe marrë të dhëna dhe dokumentacion nga i licencuari, si dhe kontrolli që i duhet bërë të licencuarit për të vërtetuar që në shërbimin me energji elektrike që ofrohet prej të licencuarit, ai respekton kushtet e kontratës ose siguron shërbime sipas standardeve të vendosura në licencë ose në ndonjë rregullore tjetër të miratuar nga ERE, Bordi i Komisionerëve të ERE-s, pasi shqyrtoi, analizoi dhe vlerësoi se drafti i sistemit të informacionit që i licencuari duhet të dërgojë në ERE, paraqitur nga Departamenti i Tarifave dhe Çmimeve dhe Departamenti i Licencimit dhe i Monitorimit realizon marrjen e një informacioni të mjaftueshëm për vlerësimin e performancës së kompanive, në funksion të monitorimit të tyre:

VENDOSI :

Miratimin e sistemit të informacionit që i licencuari duhet të dërgojë në ERE, që përfshin tabelat e mëposhtme, të cilat i bashkëlidhen këtij vendimi:

- Tabela I: Pasqyra përmbledhëse e realizimit të investimeve
- Tabela II dhe II.1: Niveli i arkëtimeve
- Tabela III: Të dhëna mbi pajisjen me matësa të abonentëve
- Tabela IV: Të dhëna mbi humbjet teknike dhe jo-teknike në shpërndarje
- Tabela IV.1: Të dhëna mbi humbjet teknike në transmetim
- Tabela V: Të dhëna mbi ndërprerjet e furnizimit me energji elektrike të konsumatorëve
- Tabela VI: Faturimi i energjisë sipas grupeve të konsumatorëve dhe çmimeve të miratuara
- Tabela VII: Bilanci i energjisë
- Tabela VIII: Shpenzimet dhe të ardhurat operative
- Tabela IX: Pasqyra Cash-Flow

Ky vendim hyn në fuqi menjëherë dhe botohet ne Fletoren Zyrtare.

KRYETARI I ERE-S
Pjetër Dema

Tabela I
PASQYRA PËRMBLEDHËSE E REALIZIMIT TË INVESTIMEVE

Nr	Emërtimi	Njësia e matjes 000/lek	Plani vjetor	Burimi i financimit		6-mujori						Diferencat	
				Kredi apo grant	Kosto lokale	Plani			Faktik			në vlerë	në %
						Kredi apo grant	Kosto lokale	Gjithsej	Kredi apo grant	Kosto lokale	Gjithsej		
1	Investime gjithsej												
2	Sipas objekteve (renditja e objekteve)												

Të dhënat të dërgohen në ERE çdo muaj për çdo filial brenda datës 20 të muajit pasardhës. Kjo evidencë të dërgohet gjithashtu tremujore, gjashtëmujore, nëntëmujore dhe vjetore

Tabela II
NIVELI I ARKËTIMEVE

[illegible]

Të dhënat të dërgohen në ERE çdo muaj për çdo filial brenda datës 20 të muajit pasardhës. Kjo evidencë të dërgohet gjithashtu tremujore, gjashtëmujore, nëntëmujore dhe vjetore

Tabela II.1
NIVELI I ARKËTIMEVE

[illegible]

Të dhënat të dërgohen në ERE çdo muaj për çdo filial brenda datës 20 të muajit pasardhës.

Tabela III
TË DHËNA MBI PAJISJEN ME MATËSA TË ABONENTËVE

[illegible]

Të dhënat të dërgohen në ERE çdo muaj për çdo filial brenda datës 20 të muajit pasardhës.

Tabel IV

TË DHËNA MBI HUMBJEN TEKNIKE DHE JOTEKNIKE NË SHPËRNDARJE

[illegible]

Të dhënat të dërgohen në ERE çdo muaj për çdo filial brenda datës 20 të muajit pasardhës

Tabela IV.1
TË DHËNAT MBI HUMBJET TEKNIKE NË TRANSMETIM

[illegible]

Të dhënat të dërgohen në ERE çdo muaj për çdo filial brenda datës 20 të muajit pasardhës

Tabela V

Të dhëna mbi ndërprerjet e furnizimit me energji elektrike të konsumatorëve

[illegible]

Tabela VI
FATURIMI I ENERGJISË SIPAS GRUPEVE TË KONSUMATORVE DHE ÇMIMEVE TË
MIRATUARA

Te dhenat te dergohen ne ERE cdo
fund tremujori brenda dates 20 te
muajit pasardhes

Sipas tens.ku behet furni- zimi	Kategoria e konsumatorve te energjise elektrike	Planifikimi 3 mujorit (sipas VKM) :				Realizimi 3 mujorit			
		Numuri i klienteve	Energjia e faturuar ne MWh	Çmimi i miratuar nga ERE (leke:kWh)	Të ardhurat në mil.leke (6= 4x5)	Numuri i klienteve	Energjia e faturuar ne MWh	Të ardhurat në milionë lekë	Çmimi i realizuar leke:kWh (10=9.8)
1	2	3	4	5	6	7	8	9	10
I	(1) Buxhetore								
	(2) Jo-Buxhetore (Ujesjellesa)								
	(3) Jo-Buxhetore te tjere								
	(4) Private								
	(5) Media								
Gr.I	TOTALI PER GRUPIN I (1 deri 5) Shitjet e ener.elekt.ne TL								
II	(1) Buxhetore								
	(2) Jo-Buxhetore (Ujesjellesa)								
	(3) Jo-Buxhetore (Nafta, Kromi, Bakri, Plehra kimike, Çimento, Siderurgji)								
	(4) Jo-Buxhetore furnizuar nga TM (6, 10, 20 kV) matja ne TM								
	(5) Jo-Buxhetore furnizuar nga TM (6, 10, 20 kV) matja ne TU								
	(6) Private te favorizuar - Furra buke, Prodh.mielli, Stacione pompimi vaditje								
	(7) Objekte fetare								
	(8) Private furnizuar nga TM (6, 10, 20 kV) matja ne TM								
	(9) Private furnizuar nga TM (6, 10, 20 kV) matja ne TU								
	(10) Media								
Gr.II	TOTALI PER GRUPIN II (1 deri 10) Shitjet e ener.elekt.ne TM								
III	(1) Buxhetore								
	(2) Jo-Buxhetore (Ujesjellesa)								
	(3) Jo-Buxhetore (Nafta, Kromi, Bakri, Plehra kimike, Çimento, Siderurgji)								
	(4) Jo-Buxhetore furnizuar nga rrjeti TU								
	(5) Private te favorizuar - Furra buke, Prodh.mielli, Stacione pompimi vaditje								
	(6) Objekte fetare								
	(7) Private te zakonshem								
	(8) Media								
	(9) SHITJET PER KLIENTET FAMILJARE,TE NDARE :								
	(a) Me sasi te faturuar deri ne 200 kWh ne muaj								
	(b) Me sasi te faturuar deri ne 220 kWh ne muaj								
	(c) Me sasi te faturuar deri ne 300 kWh ne muaj								
	(d) Me sasi te faturuar mbi 200 kWh ne muaj								
	(e) Me sasi te faturuar mbi 220 kWh ne muaj								
	(f) Me sasi te faturuar mbi 300 kWh ne muaj								
	TOTALI I SHITJEVE KLIENTEVE FAMILJARE 9 (a. deri f.)								
Gr.III	TOTALI PER GRUPIN III (1 deri 9) Shitjet e ener.elekt.ne TM								
	TOTALI Sh.a KESH-it (Gr.I + Gr.II + Gr.III)								

Te dhenat te dergohen ne ERE cdo
fund tremujori brenda dates 20 te
muajit pasardhes

Tabela VII

BILANCI I ENERGIJES

Nr.	Emertimi	Tremujori i		Diferenca :		Progresive		Diferenca :	
		Plan	Fakt	+ ose -	Ne %	Plan	Fakt	+ ose -	Ne %
I.	BILANCI I ENERGIJES								
1	Prodhimi (1=a+b)								
	(a) Hidro								
	(b) Termo								
2	Konsumi vetjak								
3	Humbjet ne prodhim								
4	Shkembim energjie [(a)Dhene (-) + (b)Marre (+)]								
	(a) Dhene (-)								
	(b) Marre (+)								
5	Import-Eksport [(a)Eksport (-) + (b)Import(+)]								
	(a) Eksport (-)								
	(b) Import (+)								
6	Blere nga prodhuesit vendas								
7	ENERGJI PER TRANSMETIM [7=1-2-3+/-4+/-5+6]								
II.	TRANSMETIMI								
8	Energji e marre nga sistemi (8=7)								
9	Konsumi vetjak								
10	Humbjet ne transmetim								
11	Humbjet ne % (11=10:7)								
12	ENERGJI E TRANSMETUAR (12=8-9-10)								
III.	SHPERNDARJA								
13	Energji e dhene nga transmetimi (13=12)								
14	Energji e faturuar konsumatorve								
15	Energji e humbur : [15=13-14]								
	- SASI								
	- Ne %								
	Humbjet ndahen :								
	(a) Humbje Teknike - SASI								
	- Ne %								
	(a) Humbje Jo-Teknike - SASI								
	- Ne %								
	HUMBJET GJITHSEJ [TRANSM.+SHPERNDARJE]								
	Ne sasi								
	Ne %								

Te dhenat te dergohen ne ERE cdo fund
gjashtemujori brenda dates 20 te muajit
pasardhes

Tabela VIII
SHPENZIMET DHE TE ARDHURAT OPERATIVE

Nr.	Emertimi	Njesia e matjes	Prodhimi		Transmetimi		Shperndarja		Qendra KESH		Totali	
			6-mujore	progres.	6-mujore	progres.	6-mujore	progres.	6-mujore	progres.	6-mujore	progres.
I	Shpenzimet	000/leke										
1	Materiale te para dhe materiale te tjera	"										
2	Importi I energjise elektrike	"										
3	Furnitura, nentrajtime dhe sherbime	"										
4	Shpenzime per personelin	"										
	Pagat	"										
	Trajtime dhe shperblime te tjera	"										
	Sigurime shoqerore dhe te ngjashme	"										
5	Tatime, taksa e derdhje te ngjashme	"										
6	Shpenzime te tjera rrjedhese	"										
	Vlera kontabel e Aktiveve Q. te shitura	"										
	Humbje nga mos arketimi I debitoreve	"										
	te tjera	"										
7	Amortizimi dhe provizione	"										
	Amortizimi I aktiveve te qendrueshme	"										
	provizione per zhvleresime te aktiveve te qend	"										
	provizione per zhvleresime te aktiveve qarkulluese	"										
	provizione per rrezique e shpenzime	"										
	kuota e shpenzimeve per tu shperndare	"										
8	Interesa te paguara dhe per tu paguar	"										
9	Diferenca negative nga kembimi	"										
10	Te tjera shpenzime financiare	"										
II	TE ARDHURAT	"										
1	Nga shitja e energjise elektrike	"										
2	Nga kryerja e sherbimeve	"										
3	Nga shitja e sherbimeve	"										
4	Shtesa e gjendjes se prodhimit te vet	"										
5	Prodhimi I aktiveve te qendrueshme	"										
6	Subvencione te shfrytezimit	"										
7	Te ardhura te tjera rrjedhese	"										
	Cmimi I shitjes te aktiveve te qendrueshme	"										
	Arketimi I debitoreve te shlyer	"										
	Te tjera	"										
8	Interesa te fituara dhe te ngjashme	"										
9	Plus vlera nga shitja e e letrave me vlere te vendosjes	"										
10	Diferenca pozitive nga kembimi	"										
11	Rimarje provizionesh per aktivet financiare	"										
12	Te tjera te ardhura financiare	"										
13	Rezultati financiar Fitim/Humbje	"										

Tabela IX
PASQYRA CASH - FLOW

Te dhenat te dergohen ne ERE cdo muaj brenda dates 20
te muajit pasardhes

Ne 000/leke

NR.	EMERTIMI	Fund muaji paraardhes	Programi muajit	Fundi muajit
	Aktivitet Operativ:			
	Fitim/(humbja) e vitit			
	Amortizimi			
	Amortizimi i granteve			
	Povizioni per debitorin e keq			
	Fitim (Humbje) mbartura nga vitet e kaluar			
	Fluksi i Parase i gjeneruar nga aktiviteti operativ			
	Rregullime per:			
	(Zmadhim)/Pakesim i magazines			
	(Zmadhim)/Pakesim i debitoreve per energjine			
	(Rritje)/Pakesim i parapagesave			
	(Rritje)/Pakesim i detyrimeve te shtetit			
	(Rritje)/Pakesim i debitoreve te tjere			
	(Rritje)/Pakesim i diferencave nga kursi kembimit			
	Rritje/(Pakesim) ne detyrimet afatshkurtra			
	Rritje/(Pakesim) ne detyrimet per furnitoret			
	Rritje/(Pakesim) ne detyrimet ndaj personelit			
	Rritje/(Pakesim) ne detyrimet ndaj shtetit+sigurime			
	Rritje/(Pakesim) ne detyrimet e tjera kreditore			
	Increase/(Decrease) in Miscellaneous			
	Flusi i parase nga aktiviteti i operativ			
	Investimet:			
	Rritje/pakesim ne aktivet Patrupezuar			
	Rritje/pakesim ne investimet financiare			
	Blerje e asetave fikse			
	Shitje e aktiveve fikse			
	Te tjera			
	Fluksi i parase nga investimet			
	Aktiviteti financiar:			
	Rritje ne kredite			
	Rritje ne kapital+rezervat			
	Pjesmarria e ish-pilotit			
	Rritje ne rivleresimin e kapitalit			
	Rezerva tjera			
	Rritja e granteve qeverise			
	Fluksi i parase nga aktiviteti financiar			
	Bilanci i fluksit te parase te ushtrimit			
	Gjendja parase ne fillim te periudhes			
	Gjendja parase ne fund te periudhes			

VENDIM
Nr.43, datë 14.10.2004

**PËR DHËNIEN E LICENCËS PËR SHFRYTËZIMIN DHE PRODHIMIN E ENERGJISË
ELEKTRIKE SHOQËRISË “MARJAKAJ”SH.P.K**

Në mbështetje të ligjit 9072, datë 22.5.2003 “Për sektorin e energjisë elektrike” neni 13 pika 1, Bordi i Komisionerëve të Entit Rregullator të Energjisë Elektrike në mbledhjen e tij të datës 14.10.2004 mbasi shqyrtoi kërkesën e paraqitur nga shoqëria “Marjakaj” sh.p.k për marrje licence për prodhimin dhe shfrytëzimin e energjisë elektrike, si dhe relacionin e paraqitur nga Departamenti i Licencimit & i Monitorimit dhe Departamenti i Çështjeve Ligjore & Marrëdhënieve me Publikun:

VENDOSI

1. Dhënie e licencës shoqërisë “Marjakaj”sh.p.k për prodhimin dhe shfrytëzimin e energjisë elektrike për një periudhë 20-vjeçare.
2. Ky vendim hyn në fuqi menjëherë dhe botohet në Fletoren Zyrtare.

KRYETARI I ERE-S
Pjetër Dema

VENDIM
Nr.44, datë 14.10.2004

**PËR MIRATIMIN E RREGULLORES PËR PROCEDURAT E LICENCIMIT PËR
NDËRTIMIN DHE SHFRYTËZIMIN E CENTRALEVE ELEKTRIKE ME KAPACITET TË
PËRGJITHSHËM JO MË TË MADH SË 5 MW DHE PRODHIMIN E ENERGJISË
ELEKTRIKE NGA KËTO CENTRALE**

Në mbështetje të ligjit nr.9072, datë 22.5.2003 “Për sektorin e energjisë elektrike” neni 8, pika 2, germa a dhe neni 14 pika 2, Bordi I Komisionerëve të ERE-s në mbledhjen e tij të datës 14.10.2004, pasi shqyrtoi draftin e paraqitur nga Departamenti i Licencave & i Monitorimit dhe Departamenti i Çështjeve Ligjore & i Marrëdhënieve me Publikun:

VENDOSI :

1. Miratimin e rregullores për procedurat e licencimit për ndërtimin dhe shfrytëzimin e centraleve elektrike me kapacitet të përgjithshëm jo më të madh se 5 MW dhe prodhimin e energjisë elektrike nga këto centrale. (Rregullorja bashkëngjitur vendimit).
2. Ky vendim hyn në fuqi menjëherë dhe botohet në Fletoren Zyrtare.

KRYETARI I ERE-S
Pjetër Dema

REPUBLIKA E SHQIPËRISË
ENTI RREGULLATOR I SEKTORIT TË ENERGJISË ELEKTRIKE

RREGULLORE PËR PROCEDURAT E LICENCIMIT PËR NDËRTIMIN DHE
SHFRYTËZIMIN E CENTRALEVE ELEKTRIKE ME KAPACITET TË PËRGJITHSHËM JO
MË TË MADH SE 5 MW DHE PRODHIMIN E ENERGJISË ELEKTRIKE NGA KËTO
CENTRALE

KAPITULLI I
DISPOZITA TË PËRGJITHSHME

Neni 1
Autoriteti

Kjo rregullore hartohet në zbatim të ligjit nr.9072, datë 22.5.2003 “Për sektorin e energjisë elektrike” neni 14, pika 2 dhe në përputhje me rregullat e praktikës dhe procedurave të ERE-s.

Neni 2
Qëllimi i rregullores

Kjo rregullore përcakton kushte dhe procedura të thjeshta dhe të përshejtuara për ndërtimin dhe shfrytëzimin e centraleve me kapacitet të përgjithshëm jo më të madh se 5 MW.

Neni 3
Përkufizime

Në këto rregulla termat e mëposhtme do të kenë këto kuptime :

1. “Aplikues” do të thotë çdo person që aplikon për një licencë sipas kësaj rregulloreje.
2. “Bordi i Komisionerëve” do të thotë organi vendimmarrës i ERE-s, i përbërë nga pesë anëtarë të emëruar sipas procedurave të parashikuara nga ligji nr.9072, datë 22.5.2003 “Për sektorin e energjisë elektrike”.
3. “ERE” do të thotë Enti Rregullator i Sektorit të Energjisë Elektrike.
4. “Licencë” do të thotë dhënia e së drejtës nga ERE një personi juridik për të operuar në sektorin e energjisë elektrike, duke përfshirë prodhimin, transmetimin, shpërndarjen, furnizimin, eksportin dhe importin e energjisë elektrike.
5. “I licencuar” do të thotë një person që mban një licencë të dhënë nga ERE për të operuar në sektorin e energjisë elektrike.
6. “Person” do të thotë çdo person fizik ose juridik, qeveri ose çdo agjenci shtetërore, çdo autoritet lokal ose ente të tjera juridike të njohura nga ligji, përveç ERE-s.
7. “Person drejtues” ose “relatues” do të thotë personi i caktuar të drejtojë një procedim të ERE-s, me detyrat dhe fuqitë e parashtruara në rregullat e praktikës dhe procedurave të ERE-s.
8. “I deleguari përgjegjës” do të thotë një person fizik që aplikon për një licencë në emër të një aplikuesi sipas nenit 7.

Neni 4
Licencat

1. Për centralet e rinj të energjisë elektrike me kapacitet të përgjithshëm jo më të madh se 5 MW, ERE lëshon licencë për ndërtimin dhe instalimin e një centrali elektrik të ri të energjisë elektrike, si dhe prodhimin e energjisë elektrike.

2. Për centralet elektrike ekzistuese para hyrjes në fuqi të kësaj rregulloreje, me kapacitet të përgjithshëm jo më të madh se 5 MW, ERE, lëshon licencë për prodhimin e energjisë elektrike.

Neni 5

Kohëzgjatja e vlefshmërisë së licencës

1. Kohëzgjatja e vlefshmërisë së licencave të lëshuara nga ERE për aktivitetet e parashikuara në nenin 4 të kësaj rregulloreje, përcaktohet nga ERE deri në 30 vjet.

2. Në rastin e një licence për ndërtimin e një centrali të ri, ERE do të lejojë licencimin duke marrë parasysh :

- a) tipin e teknologjisë së centralit elektrik;
- b) periudhën e propozuar të ndërtimit të shoqëruar me grafikun e punimeve;
- c) projekti i investimit i shoqëruar me preventivin për kryerjen e punimeve;
- d) madhësinë (fuqinë) e njësisë(ve).

KAPITULLI II

PROCEDURAT E APLIKIMIT PËR LICENCA

Neni 6

E drejta për të aplikuar për një licencë

Ka të drejtë të aplikojë për një licencë të lëshuar nga ERE, çdo person që ka vendqëndrimin e tij në Shqipëri. Çdo person i huaj duhet të krijojë një shoqëri sipas legjislacionit në fuqi, për të gjithë periudhën e vlefshmërisë së licencës.

Neni 7

Delegimi i të drejtave të aplikuesit

1. Aplikuesi mund të caktojë një person fizik ose juridik si të deleguar përgjegjës për të aplikuar për një licencë në përputhje me legjislacionin shqiptar në fuqi dhe me këto procedura licencimi.

2. Detyrat e të deleguarit përgjegjës janë :

- a) Të paraqesë aplikimin për një licencë, së bashku me dokumentacionin e kërkuar sipas nenit 8 të kësaj rregulloreje;
- b) Të paraqesë të dhëna dhe informacion shtesë të kërkuar nga ERE gjatë shqyrtimit të aplikimit për licencë;
- c) Të përgatisë raporte periodike lidhur me aktivitetin e të licencuarit, të cilat i paraqet në ERE.

3. I licencuari do të kërkojë aprovimin e ERE-s për të deleguarin përgjegjës nëpërmjet paraqitjes në ERE të dokumenteve të mëposhtme:

- a) Prokurën e aplikuesit që aplikon për licencë, me të cilën cakton personin përgjegjës;
- b) Dokumenti i identifikimit të personit të caktuar;
- c) Curriculum vitae të personit të caktuar;
- d) Një vërtetim nga prokuroria që nuk është në ndjekje penale.

4. Brenda 7 ditësh nga paraqitja e dokumentacionit që përcaktohet në paragrafin e mësipërm, ERE do t'i komunikojë me shkrim aplikuesit aprovimin ose arsyet e refuzimit të të deleguarit përgjegjës.

5. Në rast se i deleguari përgjegjës i propozuar refuzohet, aplikuesi mund të caktojë një person tjetër brenda 5 ditëve nga marrja e komunikimit të ERE-s, duke respektuar kushtet e sipërpërmendura. Në rast të një refuzimi të dytë, aplikuesi humbet të drejtën e caktimit të të deleguarit, përveç kur kjo lejohet nga ERE.

Dokumentet dhe të dhënat shoqëruese të kërkuara

Çdo aplikim për licencë do të përmbajë këto të dhëna :

A) Identifikimi i kompanisë

1. Emri i kompanisë;
2. Adresa e selisë qendrore të kompanisë
3. Administratori i kompanisë;
4. Përfaqësuesi apo i deleguari përgjegjës (nëse ka);
5. Certifikata dhe numri i kompanisë në regjistrin tregtar;
6. N.I.P.T (Numri i personit të tatueshëm) ose kodi fiskal;
7. Telefon, Fax
8. Nr. i llogarisë bankare, të kompanisë e vacantë për këtë aktivitet në një nga bankat në Republikën e Shqipërisë.

B) Dokumentacioni juridik që shoqëron kërkesën

1. Akti i themelimit të shoqërisë;
2. Statuti i shoqërisë;
3. Vendimi i regjistrimit si person juridik;
4. Vërtetim që kompania, aplikuesi, administratori i përgjithshëm, anëtarët e Këshillit Drejtues të Kompanisë, ose organi ekuivalent me të, nuk janë të përfshirë në një proces të filluar nga organet e drejtësisë (vërtetim nga prokuroria dhe gjykata);

5. Një deklaratë të aplikuesit që tregon nëse aplikuesit i është mohuar ose jo, apo i është hequr ndonjëherë një licencë për prodhimin, transmetimin, shpërndarjen, furnizimin ose eksportin e energjisë elektrike në ndonjë vend, dhe në rast se po, arsyet e këtij mohimi.

C) Dokumentacioni në fushën financiare dhe fiskale

1. Vërtetim për shlyerjen e detyrimeve në organet e tatim-taksave;
2. Vërtetim për regjistrimin dhe shlyerjen e detyrimeve ndaj institucionit të sigurimeve shoqërore;
3. Vërtetimin e pagimit në llogari të ERE-s, të pagesës së regjistrimit për marrje licence.(Shuma e pagesës caktohet me vendim të Bordit të Komisionerëve të ERE-s).

D) Kërkesa në fushën administrative dhe organizative

1. Shtrirja (gjeografike) e veprimtarisë së kompanisë apo aplikuesit për aktivitetin në fushën e energjisë elektrike. Ky dokument shoqërohet me hartën gjeografike;
2. Ndërtimi administrativ, struktura dhe rregullorja për funksionimin e kompanisë;
3. C.V të Administratorit të Përgjithshëm, të aplikuesit, si dhe të anëtarëve të Këshillit Drejtues të kompanisë , nëse ka.

E) Kërkesa dhe të dhëna të karakterit teknik

Të përgjithshme:

1. Për ndërtimin dhe instalimin e një centrali të ri, si dhe prodhimin e energjisë elektrike nga ky ose nga një central ekzistues.

- Tipi i centralit;
- Vendndodhja e centralit;
- Numri i njësive gjeneruese dhe fuqia e tyre në MW;
- Sasia vjetore e energjisë elektrike që do të prodhohet;
- Data që mendohet për fillimin dhe përfundimin e punimeve;
- Jetëgjatësia e pritshme e centralit;
- Vlerësimi paraprak i ndikimit në mjedis në nivel lokal dhe kombëtarë i shoqëruar nga një leje e lëshuar nga Ministria e Mjedisit ose nga organi i autorizuar prej saj;
- Vlerësime të përafërta të investimeve të kërkuara shoqëruar me projektin dhe preventivin përkatës;
- Dokumente që provojnë se, aplikuesi është në gjëndje të sigurojë burimet financiare të nevojshme për investimin, të cilat duhet të jenë të ligjshme;
- Studimi paraprak tekniko – ekonomik për investimin;

- Skema elektrike principale e centralit dhe lidhja e tij me sistemin e transmetimit ose shpërndarjes;

- Standardet teknike të pajisjeve të centralit;

- Lejen e ndërtimit të objektit të licencimit nga organi kompetent përkatës i pushtetit vendor.

Të veçanta:

Për TEC-et

- Teknologjia e përdorur në procesin e punës së centralit, (me kondensim, kundër presion, cikël të kombinuar) parametrat teknikë të pajisjeve;

- Lloji i lëndës djegëse që do të përdoret dhe konsumi vjetor i saj;

- Rendimenti energjetik i njësive gjeneruese.

Për HEC-et

- Leja e përdorimit të ujit për prodhimin e energjisë elektrike nga Këshilli Kombëtar i Ujit;

- Tipi i centralit (me digë, derivacion, i kombinuar ose pompim);

- Parametrat kryesore teknike të digës, të rezervuarit, kanalit të derivacionit dhe nyjeve kryesore të tij, sipas standardeve të përcaktuara në ligjin nr.8681, datë 2.11.2000 “Për projektimin , ndërtimin, shfrytëzimin dhe mirëmbajtjen e digave dhe dambave” dhe vendimin e Këshillit të Ministrave nr.147, datë 18.3.2004 “Për miratimin e rregullores për sigurinë e digave dhe të dambave”.

Neni 9

Fillimi i procedimit

Një procedim fillon në kohën kur Departamenti i licencimit dhe I monitorimit në bashkëpunim me Departamentin e Çështjeve Ligjore dhe e Marrëdhënieve me Publikun konstaton se aplikimi përfshin të gjithë informacionin e kërkuar nga rregullat e ERE-s

Neni 10

Paraqitja e mangët e informacionit

1. Brenda 10 ditëve kalendarike nga marrja e aplikimit të mangët, ERE duhet të njoftojë aplikuesin për mangësitë. Nëse ERE nuk bën asnjë njoftim të tillë, aplikimi do të konsiderohet i plotësuar.

2. Aplikuesi do të ndreqë mangësitë brenda 15 ditëve kalendarike nga dita e njoftimit. Në pamundësi të ndreqjes së mangësive, gjithsesi aplikuesi do të dërgojë informacion në ERE për këtë pamundësi.

3. Pavarësisht mangësive, kur ERE e gjykon të arsyeshme mund të lejojë procedimin e aplikimit, nëse ai nuk ka të bëjë me çështje thelbësore.

4. Nëse aplikuesi nuk paraqet informacionin shtesë brenda afatit të caktuar nga ERE, aplikimi nuk do të shqyrtohet derisa të paraqitet ky informacion.

Neni 11

Publikimi i aplikimit

Brenda 10 ditëve nga paraqitja e një aplikimi , ERE do të publikojë për dy ditë me radhë në dy gazeta të përditshme me shpërndarje në të gjithë vendin:

a) Një përmbledhje të shkurtër të përmbajtjes së aplikimit;

b) Një njoftim që paraqitja e objeksioneve ose ankesave nga personat e interesuar mund të bëhen në ERE brenda 30 ditëve kalendarike nga data e publikimit të parë.

Neni 12
Objeksionet

1. ERE informon aplikuesin për objeksionet që mund të jenë marrë lidhur me aplikimin e tij.
2. Asnjë objeksion ose ankesë e marrë më vonë se 30 ditë kalendarike nga data e paraqitjes së aplikimit, nuk do të merret parasysh nga ERE.

KAPITULLI III
DHËNIA E LICENCËS

Neni 13
Kontrolli i saktësisë së të dhënave të paraqitura nga aplikuesi

1. Bordi i Komisionerëve të ERE-s do të caktojë një person drejtues sipas rregullave të praktikës dhe të procedurave të ERE-s, i cili do të analizojë nëse dokumentet e depozituara nga aplikuesi përputhen me dispozitat e kësaj rregulloreje dhe i komunikon të deleguarit përgjegjës te aplikuesit, nëse disa dokumente mungojnë ose janë në mospërputhje. Në rastin e fundit, aplikuesi do të plotësojë ose të korrigjojë dokumentacionin sipas shënimeve të bëra nga personi drejtues, në përputhje me afatet kohore të përcaktuara nga kjo rregullore.
2. Pas kontrollit të dokumentacionit, Departamenti i Licencimit dhe i Monitorimit dhe Departamenti i Çështjeve Ligjore dhe i Marrëdhënieve me Publikun do t'i paraqesë Bordit të Komisionerëve të ERE-s një raport duke sugjeruar dhënien ose refuzimin e licencës, si dhe arsyetimet përkatëse.
3. Pas skadimit të afatit të përcaktuar në nenin 11 për paraqitjen e objeksioneve ose ankesave, ERE shqyrton aplikimet në mënyrën që e konsideron më të përshtatshme për kushtet, si dhe duke aplikuar kriteret e specifikuar në nenin 15 të ligjit nr.9072, datë 22.5.2003 “Për sektorin e energjisë elektrike”.

Neni 14
Dhënia ose refuzimi i licencës

1. Bordi i ERE-s e merr vendimin përfundimtar për dhënien ose refuzimin e licencës brenda 45 ditëve pas paraqitjes së aplikimit, duke e bazuar vendimin e tij në kriteret e specifikuar në këtë rregullore. Vendimi përfundimtar do të jetë me shkrim dhe do të përmbajë arsyet për dhënien ose refuzimin e licencës.
2. Vendimi i ERE-s për të dhënë një licencë sipas kësaj rregulloreje publikohet në Fletoren Zyrtare.
3. Vendimi i ERE-s lidhur me dhënien ose refuzimin e licencës mund të apelohej në Gjykatën e Shkallës së Parë, Tiranë nga aplikuesi ose çdo person që ka një interes ligjor dhe që ka paraqitur një objeksion sipas nenit 11 të kësaj rregulloreje brenda 30 ditëve nga data e vendimit.

KAPITULLI IV
MODIFIKIMET DHE HEQJA E LICENCEVE

Neni 15
Procedurat për modifikimin e licenceve

1. Në përgjigje të çdo kërkesë të të licencuarve ose me iniciativën e vet, ERE mund të modifikojë termat dhe kushtet e një licence që konsiderohen te papërshtatshme, duke ndjekur procedurat e parashikuara në nenin 19 të ligjit nr.9072, datë 22.5.2003 “Për sektorin e energjisë elektrike”.

2. ERE mund të vendosë modifikimin e licencës në rastet e mëposhtme:

a) kur ka ndryshime të rrethanave në datën e lëshimit të licencës (kuadri ligjor, vendime të gjykatës) ose të disa ngjarjeve që ndikojnë në mënyrë të konsiderueshme në prodhimin e energjisë elektrike;

b) kur këto ndryshime e bëjnë të pamundur plotësimin e pjesshëm ose të plotë të kushteve të vendosura në licencë;

c) kur ka ndryshime në strukturën e të licencuarit duke përfshirë ndarjen, bashkimin ose transformimin në një person tjetër juridik.

3. Nëse ERE vendos të ndryshojë një licencë, duhet t'i lëshojë të licencuarit një licencë me përmbajtje të ndryshuar, duke shfuqizuar licencën e mëparshme.

Neni 16

Procedurat për heqjen e licencave

1. Për heqjen e licencave të lëshuara sipas kësaj rregulloreje, zbatohen dispozitat e nenit 19 të “Rregullores së procedurave të licencimit”, të miratuara me vendimin e Bordit të Komisionerëve të ERE-s nr. 27, datë 30.5.2004.

2. ERE mund të vendosë heqjen e licencës në rastet e mëposhtme:

a) I licencuari nuk përmbush kushtet e licencës;

b) I licencuari gjatë kryerjes së veprimtarisë në sektorin e tij shkel dispozitat ligjore për mbrojtjen e mjedisit;

c) I licencuari rrezikon shëndetin, jetën dhe pronën e njerëzve;

d) I licencuari nuk arrin të shlyejë pagesat e rregullimit të përcaktuara nga ERE, sipas nenit 12 të ligjit nr.9072, datë 22.5.2003 “Për sektorin e energjisë elektrike”;

e) I licencuari nuk e ka nisur veprimtarinë brenda kohës së përcaktuar në licencë;

f) I licencuari nuk arrin të përmbush kushtet e licencës për shkaqe financiare.

KAPITULLI V

REGJISTRI I LICENCAVE

Neni 17

Regjistrimi i licencave

1. Licencat e lëshuara sipas kësaj rregulloreje, regjistrohen në përputhje me dispozitat e kapitullit V të “Rregullores së procedurave të licencimit”, të miratuara me vendimin e Bordit të Komisionerëve të ERE-s, nr.27, datë 30.5.2004.

KAPITULLI VI

DISPOZITA TË FUNDIT

Neni 18

Sanksionet

1. ERE mund të ndërmarrë sanksione ndaj të licencuarit, në përputhje me nenin 64 të ligjit nr.9072, datë 22.5.2003 “Për sektorin e energjisë elektrike”.

Neni 19

Amendamente të Rregullores

1. Këto rregulla janë objekt rishikimi dhe ndryshimi me vendim të Bordit të Komisionerëve të ERE-s.

Neni 20

Hyrja në fuqi

Kjo rregullore hyn në fuqi menjëherë dhe botohet në Fletoren Zyrtare të Republikës së Shqipërisë.

VENDIM
Nr.45, datë 14.10.2004

**PËR MIRATIMIN E LICENCËS PËR NDËRTIMIN, INSTALIMIN E CENTRALIT
ELEKTRIK ME KAPACITET TË PËRGJITHSHËM JO ME TË MADH SE 5 MW DHE
PRODHIMIN E ENERGJISË ELEKTRIKE**

Në mbështetje të ligjit nr.9072, datë 22.5.2003 “Për sektorin e energjisë elektrike” neni 13, pika 1, germa a dhe neni 15, Bordi i Komisionerëve të ERE-s, në mbledhjen e tij të datës 14.10.2004, pasi shqyrtoi draftin e paraqitur nga Departamenti i Licencave dhe i Monitorimit dhe Departamenti i Çështjeve Ligjore & Marrëdhënieve me Publikun:

VENDOSI:

1. Miratimin e licencës për ndërtimin, instalimin e centralit elektrik me kapacitet të përgjithshëm jo më të madh se 5 MW dhe prodhimin e energjisë elektrike (licenca bashkëngjitur vendimit).
2. Ky vendim hyn në fuqi menjëherë dhe botohet në Fletoren Zyrtare.

KRYETARI I ERE-S
Pjetër Dema

REPUBLIKA E SHQIPËRISË
ENTI RREGULLATOR I SEKTORIT TË
ENERGJISË ELEKTRIKE

LICENCË
PËR NDËRTIMIN, INSTALIMIN E CENTRALEVE ELEKTRIK ME KAPACITET TË
PËRGJITHSHËM JO MË TË MADH SE 5 MW DHE PRODHIMIN E ENERGJISË
ELEKTRIKE

Seria: _____ Numri i licencës: _____

Data e hyrjes në fuqi : _____
(vendim i ERE-s, nr. _____, datë ____ . ____ . ____)

Licenca i jepet : _____
(Emri dhe adresa zyrtare)

Centrali : _____
(Emërtimi, vendndodhja)

Kodi Fiskal: _____

Certifikata e regjistrimit: _____
[Seria, numri, vendi i regjistrimit]

Bazuar në autoritetin që i është dhënë në pjesën e tretë të ligjit nr.9072, datë 22.5.2003 “Për sektorin e energjisë elektrike”, Enti Rregullator i Sektorit të Energjisë Elektrike (“ERE”) i jep këtë licencë për ndërtimin, instalimin e centraleve elektrike me kapacitet të përgjithshëm jo më të madh se 5 MW dhe prodhimin e energjisë elektrike (“Licenca”), personit të lartpërmendur, i quajtur “I licencuari”, subjekt i kushteve të kësaj licence. Kjo licencë hyn në fuqi në datën e shkruar më lart dhe do të vazhdojë të jetë në fuqi për një periudhë prej ____ muajsh/vjetësh për aktivitetin e ndërtimit dhe instalimit të një centrali elektrik dhe për një periudhë prej ____ muajsh/vjetësh për prodhimin e energjisë elektrike, në rast se nuk përfundohet ose pezullohet nga ERE në përputhje me kushtet e licencës të përfshira këtu.

KRYETARI I ERE-S
Pjetër Dema

REPUBLIKA E SHQIPËRISË
ENTI RREGULLATOR I SEKTORIT TË ENERGJISË ELEKTRIKE

KUSHTET E LICENCËS
PËR NDËRTIMIN, INSTALIMIN E CENTRALEVE ELEKTRIKE ME KAPACITET TË
PËRGJITHSHËM JO MË TË MADH SE 5 MW DHE PRODHIMIN E ENERGJISË
ELEKTRIKE

Seria: _____

Numri i licencës: _____

I jepet: _____
(Emri i plotë i të licencuarit)

1. DISPOZITA TË PËRGJITHSHME

1.1 ERE është autoriteti i vetëm në Republikën e Shqipërisë, i njohur nga pjesa e tretë e ligjit nr. 9072, datë 22.5.2003 “Për sektorin e energjisë elektrike”, për të dhënë dhe deklaruar efektivitetin e kësaj licence.

1.2 Kjo licencë do të jetë në fuqi për një periudhë prej ____ muajsh/vjetësh për aktivitetin e ndërtimit dhe instalimit të një centrali elektrik dhe për një periudhë prej ____ muajsh/vjetësh për prodhimin e energjisë elektrike.

1.3 Nëse ndonjë kusht i licencës bëhet i pavlefshëm dhe anulohet, ky kusht do të hiqet nga kushtet e licencës dhe kushtet e mbetura të licencës, do të vazhdojnë të jenë në fuqi dhe të kenë efekt të plotë.

1.4 Nuk do të bëhet asnjë transferim, tërësisht ose pjesërisht i aseteve ose licencës tek asnjë person, pa vendimin paraprak me shkrim të ERE-s.

1.5 ERE ka të drejtën ekskluzive për ta ndryshuar këtë licencë, duke përmbushur dispozitat e çdo Kodi Rrjeti, Kodi Shpërndarje, Kodi Matës ose Rregulla Tregu të miratuara nga ERE sipas legjislacionit në fuqi.

1.6 Në çdo kohë i licencuari do të mbajë një licencë për ndërtimin, instalimin e centraleve elektrike dhe prodhimin e energjisë elektrike.

1.7 Heqja e një prej lejeve apo autorizimeve të lëshuara nga organet kompetente përbën kusht për heqjen e kësaj licence.

1.8 I licencuari do të plotësojë të gjitha detyrimet ligjore që lidhen me mjedisin dhe mbrojtjen e tij si rezultat i ndërtimit dhe i instalimit të centralit elektrik dhe prodhimit të energjisë elektrike.

1.9 Fjalët dhe frazat e mëposhtme të përdorura në licencë dhe anekse, kur përdoren, do të kenë kuptimin e mëposhtëm:

Data e përfundimit

Data në të cilën i licencuari do të ketë përfunduar ndërtimin e centralit elektrik me kapacitet të përgjithshëm jo më të madh se 5 MW dhe në mënyrë më specifike, do të thotë data e treguar në aneksin B

ERE

Enti Rregullator i Sektorit të Energjisë Elektrike ose institucioni pasues rregullator.

Forcë madhore

Një akt ose ngjarje që përfshin aktet e natyrës ose politikës ose ngjarje sociale që ndodhin në vend, si tërmetet, ciklonet, rrufetë, përmbytjet, shpërthimet vullkanike ose zjarret, ose një akt lufte, konflikt i armatosur, rebelim, veprime terroriste ose ushtarake, që e pengojnë të licencuarin të kryejë detyrimet e tij sipas kësaj licence ose akte të tjera dhe ngjarje që janë:

i) përtej kontrollit të arsyeshëm dhe që nuk krijohen për faj të të licencuarit;

ii) i licencuari ka qenë i paaftë t'i përballojë këto akte ose ngjarje nëpërmjet ushtrimit të zellit të duhur dhe përpjekjeve të arsyeshme, aftësive dhe kujdesit.

Legjislacioni në fuqi

Ligjet e Republikës së Shqipërisë të miratuara nga Kuvendi i Shqipërisë dhe që janë në fuqi gjatë periudhës së kësaj licence

Licenca

Një licencë e dhënë nga ERE që autorizon të licencuarin të ndërtojë, të instalojë dhe të prodhojë energji elektrike me central/e me kapacitet të përgjithshëm jo më të madh se 5 MW.

Aktiviteti i licencuar

Ndërtimi, instalimi i centraleve elektrike me kapacitet të përgjithshëm jo më të madh se 5 MW dhe prodhimi i energjisë elektrike me këta të fundit.

Licencë për furnizimin e energjisë elektrike me tarifa të rregulluara

Licencë e dhënë nga ERE që autorizon të licencuarin të sigurojë furnizimin me energji elektrike për konsumatorët brenda një zone gjeografike të caktuar me tarifa të rregulluara nga ERE.

Tarifat e rregulluara

Tarifë aktualisht në fuqi, e aprovuar nga ERE sipas legjislacionit në fuqi.

I licencuar

Personi që përmendet në faqen e parë të kësaj licence, që mban këtë licencë për ndërtimin, instalimin dhe prodhimin e energjisë elektrike me centrale elektrike me kapacitet të përgjithshëm jo më të madh se 5 MW.

Person

Çdo person fizik ose juridik.

Biznesi shoqëruar

Çdo biznes tjetër që direkt ose indirekt, tërësisht ose pjesërisht:

1. është pronë e të licencuarit;
2. ka pronësi të licencuarin;
3. është në pronësi të një personi, i cili është pronë e të licencuarit.

Transferim

Çdo shitje, dhënie me qira ose ndonjë disponim tjetër, i plotë ose i pjesshëm i së drejtës për t'u angazhuar në aktivitetin e licencuar.

Ndërsubvencionimet

Transferim fondesh ose ndarje kostosh brenda llogarive të të licencuarit ose ndërmjet bizneseve shoqëruese për mbështetje financiare të një aktiviteti ose biznesi me koston e një tjetri.

Prodhim

Prodhimi i energjisë elektrike me centrale elektrike me kapacitet të përgjithshëm jo më të madh se 5 MW nëpërmjet transformimit të burimeve të ndryshme energjetike nga njësitë e prodhimit të të licencuarit.

Furnizim me energji elektrike

Dërgimi ose shitja e energjisë elektrike te klienti.

Central elektrik

Tërësia e gjithë sistemit të pajisjeve, përfshirë njësitë e prodhimit me kapacitet të përgjithshëm jo më të madh se 5 MW të dhëna në aneksin A dhe C, pajisjet sekondare të përfshira në të, ato që kryejnë furnizimin me lëndë djegëse, pajisjet shndërruese të tensionit të lartë dhe disa objekte jashtë zonës ku është vendosur ai (p.sh. ujësjellës, zona të depozitimit të mbetjeve teknologjike) etj. Asetet të trupëzuara ose jo të trupëzuara që zotërohen ose kontrollohen tërësisht ose pjesërisht në datën e hyrjes në fuqi të kësaj licence ose që blihen tërësisht ose pjesërisht në çdo kohë gjatë afatit të licencës nga i licencuari dhe përdoren për qëllimin e prodhimit të energjisë elektrike.

Njësi prodhimi

Njësi individuale dhe/ose pajisjet kryesore të impiantit me kapacitet të përgjithshëm jo më të madh se 5 MW, të cilat do të ndërtohen apo do të instalohen dhe siç përshkruhen në mënyrë më të plotë në aneksin A dhe C të poseduara nga i licencuari për prodhim të energjisë elektrike.

Sistem elektroenergetik

Sistem i ndërlidhur që përbëhet nga centralet elektrike, linjat, nënstacionet dhe pajisjet për transmetimin ose shpërndarjen e energjisë elektrike te konsumatorët brenda territorit të Republikës së Shqipërisë.

Shërbimet ndihmëse

Shërbimet e kërkuara për të ruajtur standarde të përcaktuara sigurie, qëndrueshmërie dhe cilësie të energjisë elektrike. Shërbimet ndihmëse përfshijnë: kompensimin reaktiv të energjisë, kontrollin fuqi -frekuencë, nivelet e tensionit, mirëmbajtjen dhe lëshimin e shpejtë të kapaciteteve rezervë dhe shërbime të tjera të këtij lloji.

Operatori i sistemit të transmetimit (OST)

Personi i licencuar, përgjegjës për aktivitetet e transmetimit dhe dispeçerimit dhe për procesin e kontrollit të operimit të centraleve prodhuese elektrike dhe faciliteteve të tjera të industrisë së energjisë elektrike për të siguruar stabilitetin, qëndrueshmërinë, sigurinë dhe operimin eficient të sistemit elektroenergetik.

Rregulloret dhe rregullat

Standardet, kodet, rregulloret, urdhrat dhe rekomandime të tjera në fuqi të miratuara nga ERE.

Shpërndarësi i energjisë elektrike (SHEE)

Shpërndarësi i energjisë elektrike me tarifa të rregulluara brenda territorit të autorizuar që mban licencë të dhënë nga ERE për këtë aktivitet.

Anekset e mëposhtme të kësaj licence janë përfshirë në licencë me referencë të veçantë dhe konsiderohen si pjesë përbërëse e saj:

1.10 Aneksi A Përshkrimi i centralit të energjisë elektrike përfshirë gjithë aspektet e tjera të projektit, si hartimi i projektit, kontrata e ndërtimit, studimi i fizibilitetit për lidhjen e centralit me sistemin e energjisë elektrike.

Aneksi B Afati kohor për ndërtimin dhe instalimin e centralit.

Aneksi C Impiantet dhe njësitë prodhuese të energjisë elektrike

2. PËR NDËRTIMIN DHE INSTALIMIN E CENTRALIT ELEKTRIK

2.1 I licencuari, gjatë afatit të licencës do të ketë të drejtën ekskluzive dhe detyrimin për të ndërtuar dhe instaluar centralin elektrik të përshkruar në aneksin A dhe për të ndërmarrë të gjitha veprimet e nevojshme për përfundimin e projektit në përputhje me afatin për ndërtimin dhe instalimin siç është përcaktuar në aneksin B.

2.2 I licencuari, pa miratimin me shkrim të ERE-s, nuk do të ndërtojë dhe do të instalojë një H/central elektrik që devijon në ndonjë mënyrë nga parametrat dhe standardet e H/centralit elektrik të miratuar sipas ligjit nr.8681, datë 2.11.2000 “Për projektimin, ndërtimin, shfrytëzimin dhe mirëmbajtjen e digave dhe dambave” dhe vendimit të Këshillit të Ministrave nr.147, datë 18.3.2004 “Për miratimin e rregullores për sigurimin e digave dhe dambave” të përshkruara në aneksin A dhe në planet dhe materialet e tjera të paraqitura ERE-s si pjesë e aplikimit për këtë licencë.

3. KRYERJA E AKTIVITETIT TË PRODHIMIT TË ENERGJISË ELEKTRIKE

3.1 I licencuari autorizohet nga kjo licencë për të ushtruar aktivitetin e licencuar në centralet elektrike që përdorin njësitë prodhuese të specifikuara në aneksin C. I licencuari, në çdo kohë dhe në çdo aspekt të aktivitetit të tij të licencuar, do të prodhojë energji elektrike në përputhje me standardet e paraqitura në rregulloret dhe rregullat e miratuara nga ERE.

3.2 I licencuari do të njoftojë menjëherë ERE-n për çdo ndryshim në kapacitetin e secilës prej njësive prodhuese ose centraleve elektrike të identifikuar në aneksin C që rrisin ose ulin kapacitetin prodhues të disponueshëm nga i licencuari në një mënyrë që mund të ndikojë shumë në shërbimin e konsumatorëve për një periudhë më të madhe se 30 ditë.

3.3 Çdo rritje e kapacitetit të disponueshëm, që kalon 30% të sasisë së kapacitetit të identifikuar në aneksin C, me përjashtim të periudhave të përkohshme që zgjasin më pak se dymbëdhjetë muaj, do të kërkojë një amendim të kësaj licence.

3.4 Gjatë kryerjes së aktivitetit të tij, të licencuarit i kërkohet të sigurojë jetën dhe shëndetin e njerëzve, si dhe pronat e tyre në përputhje me legjislacionin, rregulloret dhe rregullat e tjera në fuqi.

3.5 I licencuari do të informojë ERE-n dhe operatorin e sistemit të transmetimit mbi reduktimin e pjesshëm ose të plotë të kapacitetit prodhues, të paktën një vit para realizimit të tij, duke paraqitur një shpjegim të detajuar për këtë qëllim. ERE mund ta përjashtojë të licencuarin nga ky detyrim në rast se reduktimi i kapacitetit të prodhimit shkaktohet nga një forcë madhore.

3.6 Planifikimi, ndërtimi dhe futja në punë e kapaciteteve prodhuese të energjisë elektrike, si dhe instalimet e tjera që lidhen me to, do të kryhen nga i licencuari në përputhje me rregulloret dhe rregullat në fuqi të miratuara nga ERE.

3.7 I licencuari nuk do të angazhohet në asnjë formë aktiviteti monopol të ndaluar nga legjislacioni në fuqi ose rregulloret dhe rregullat e aprovuara nga ERE.

3.8 I licencuari nuk do të pengojë, parandalojë ose do të tentojë të pengojë të licencuarit e tjerë ose konkurrentët potencialë që të angazhohen ose që të hyjnë në mënyrë të ligjshme në biznesin elektrik në Republikën e Shqipërisë.

3.9 I licencuari do ta kryejë aktivitetin e licencuar në përputhje me parimet e efijencës ekonomike dhe objektivin për arritjen e kostove më të ulta.

3.10 I licencuari nuk duhet të angazhohet në aktivitete të tjera, që pengojnë ose mund të pengojnë kryerjen e duhur të aktivitetit të licencuar. I licencuari do të informojë ERE-n para se të ndërmarrë ndonjë aktivitet, përveç aktivitetit të licencuar. ERE mund ta ndalojë të licencuarin të kryejë çdo aktivitet, përveç aktivitetit të licencuar, kur konstaton se interesat e konsumatorëve mund të dëmtohen.

3.11 I licencuari do të informojë ERE-n për ngritjen e çdo biznesi shoqërues.

3.12 I licencuari nuk do të bashkëpunojë në asnjë mënyrë me të licencuar të tjerë për përgatitjen dhe negocimin e çështjeve të ERE-s, që lidhen ose që ndikojnë në tarifat e energjisë elektrike, ose në pagesat e tjera të konsumatorëve, ose të bashkëpunojë në ndonjë mënyrë lidhur me aktivitetin e licencuar në dëm të furnizuesve ekzistues ose potencialë ose të konsumatorëve, përveç kur i kërkohet shprehimisht nga rregulloret dhe rregullat e ERE-s.

4. DETYRIMET E TË LICENCUARIT

4.1 I licencuari do të zbatojë legjislacionin në fuqi dhe gjithë rregulloret dhe rregullat e miratuara nga ere.

4.2 I licencuari do të mbajë regjistra llogarie dhe do të përgatisë bilance financiare, të cilat do të mbahen të ndara për aktivitetin e licencuar dhe çdo aktivitet tjetër (përfshirë aktivitete të tjera të licencuara) ku është angazhuar i licencuari, në përputhje me rregullat dhe procedurat e kontabilitetit të miratuara nga ERE dhe në përputhje me ligjin nr.7961, datë 19.1.1993 “Për kontabilitetin”, nenin 33 të ligjit nr.9072, datë 22.5.2003 “Për sektorin e energjisë elektrike” dhe (standardet ndërkombëtare të kontabilitetit). I licencuari do t’i dorëzojë ERE-s bilancet financiare vjetore deri në fund të 3-mujorit të parë të vitit pasardhës.

4.3 Të licencuarit i kërkohet të përgatisë dhe t’i paraqesë ERE-s deri në fund të muajit shkurt një raport vjetor, lidhur me operimet e tij gjatë vitit kalendarik të mëparshëm dhe që përmban sa më poshtë:

1. një përmbledhje dhe analizë të aktiviteteve të të licencuarit;
2. prodhimin e energjisë elektrike gjatë vitit;
3. cilësinë e prodhimit dhe detaje të çdo mase të marrë për përmirësimin e cilësisë së prodhimit;
4. çdo defekt të ndodhur gjatë vitit;
5. Detaje mbi çdo ndryshim të bërë në asetet e prodhimit, përfshirë detaje të çdo elementi që është zgjeruar, nxjerrë jashtë përdorimit ose zëvendësuar gjatë vitit.

4.4 Nëse i licencuari parashikon një situatë emergjence siç përcaktohet nga legjislacioni në fuqi, i licencuari do të njoftojë pa vonesë ERE-n dhe ky njoftim do të përshkruajë çfarë masash do të marrë i licencuari për të parandaluar ose përmirësuar ndikimet e situatës emergjente në prodhimin e energjisë elektrike.

4.5 I licencuari do të ndajë shpenzimet e përbashkëta në mes aktivitetit të tij të licencuar për prodhimin e energjisë elektrike dhe aktiviteteve të tjera mbi një bazë të arsyeshme, që të mos cenojë cilësinë e shërbimit për aktivitetet e licencuara, në përputhje me pikën 4.2 të kësaj licence. I licencuari do t'i paraqesë ERE-s dokumentacionin që tregon bazat për ndarjen e shpenzimeve të përbashkëta, si dhe rezultatet e arritura.

4.6 I licencuari do të njoftojë ERE-n brenda 10 ditëve për çdo ndryshim të:

- a) adresës;
- b) statutit të të licencuarit;
- c) certifikatës së regjistrimit;
- d) kodit fiskal;
- e) administratorin
- f) strukturës së aseteve me mbi 30%.

4.7 Të gjitha njoftimet zyrtare, aplikimet, petitionet, deklaratat ose korrespondenca tjetër me ERE-n lidhur me detyrimet sipas kësaj licence duhet të jetë me shkrim, duke caktuar respektivisht nga një zyrtar të autorizuar ose përfaqësues tjetër të të licencuarit ose të ERE-s. Këto dërgohen me korrierë ose postë të regjistruar, duke kërkuar një verifikim të fletës së marrjes. Adresat e palëve duhet të vendosen mbi zarf. Të gjitha njoftimet ose korrespondenca tjetër do të konsiderohen se hyjnë në fuqi nga momenti i dorëzimit ose nëse nuk janë dorëzuar për shkak të gabimit të dërguesit, nga momenti i prezantimit.

5. PËRDORIMI I INFORMACIONIT

5.1 I licencuari do të sigurojë që çdo informacion i marrë nga të tjerë, si rezultat i aktivitetit të tij të licencuar, nuk do t'i jepet askujt, me përjashtim të rasteve:

a) kur jepet pëlqimi paraprak me shkrim i personit me të cilin lidhet informacioni;

b) kur informacioni është bërë publik;

c) kur të licencuarit i kërkohet ose i lejohet të përhapë informacionin për të përmbushur kushtet e kësaj licence sipas një urdhëri të ERE-s ose çdo dispozitë ligjore të aplikueshme.

5.2 I licencuari do të sigurojë që çdo biznes shoqërues nuk do të përdorë asnjë informacion në posedim të të licencuarit për të fituar një avantazh konkurrues të pajustificuar dhe do të sigurojë që nuk do të përhapë asnjë informacion te ndonjë person tjetër (përfshirë ata të një biznesi tjetër shoqërues), gjë që mund ta mundësojë këtë person të fitojë çdo lloj avantazhi komercial të pajustificuar.

5.3 I licencuari do të hartojë dhe do t'i paraqesë ERE-s procedurat për të siguruar respektimin e paragrafëve 5.1 dhe 5.2. Me kërkesën e ERE-s, i licencuari do të ndërmarrë çdo hap të nevojshëm për të ruajtur informacionin konfidencial në posedim të të licencuarit dhe për t'i dorëzuar ERE-s raporte lidhur me përmbushjen e detyrimeve të specifikuara në paragrafët 5.1 dhe 5.2.

5.4 Informacioni i dërguar ERE-s nga i licencuari do të konsiderohet publik me përjashtim të rasteve kur me kërkesë specifike të të licencuarit, ERE me vendim, përcakton që ky informacion është i natyrës pronësore dhe se përhapja e tij nuk i shërben interesit publik.

5.5 I licencuari do të ndërmarrë gjithë masat e nevojshme për të rritur efikasitetin operativ dhe ekonomike të aktivitetit të licencuar, me qëllim që të sigurojë cilësinë dhe qëndrueshmërinë e shërbimeve të kryera në përfitim të konsumatorëve.

6. DETYRIMET NDAJ OPERATORIT TË SISTEMIT TË TRANSMETIMIT DHE MARËDHËNIET ME SHPËRNDARËSIT E ENERGJISË ELEKTRIKE

6.1 I licencuari do ta vendosë gjithë kapacitetin prodhues të njërive të tij prodhuese, në rast të integritetit në sistemin elektroenergetik, në dispozicion të operatorit të sistemit të transmetimit me qëllim që ky të arrijë koordinimin e ekuilibrit të balanceve elektroenergetike brenda sistemit elektroenergetik.

6.2 I licencuari do të respektojë kodin e funksionimit të shpërndarjes, si dhe rregulloret dhe rregullat e operatorit të sistemit të transmetimit dhe shpërndarësit e energjisë elektrike të aprovuara nga ERE, përfshirë kryerjen e gjithë urdhërave operative, instruksioneve ose udhëzimeve dhe dorëzimin e informacionit teknik dhe gjithë dokumentacionit tjetër të kërkuar.

6.3 I licencuari do të sigurojë shërbime ndihmëse sa herë do t'i kërkohej për ta bërë këtë nga operatori i sistemit të transmetimit në përputhje me rregulloret rregullat dhe kodet e transmetimit dhe shpërndarjes të aprovuara nga ERE.

6.4 Kontratat për shitje të energjisë elektrike nga i licencuari do të regjistrohen operatori i sistemit transmetues vetëm kur aprovohen nga ERE.

6.5 Gjithë kontratat për furnizim energjie (marrëveshjet për blerje energjie) ndërmjet të licencuarit dhe subjekteve të tjera duhet të përputhen me kontratat model të miratuara nga ERE.

6.6 I licencuari do të zbatojë rregulloren e miratuar nga ERE për lehtësimin e hyrjes në rrjet të centraleve elektrike me kapacitet të përgjithshëm jo më të madh se 5 MW.

7. KONTROLLI MBI KRYERJEN E AKTIVITETIT TË LICENCUAR

7.1 ERE do të monitorojë zbatimin e kushteve të licencimit nga i licencuari, do të shqyrtojë raportet e marra nga i licencuari dhe, në çdo kohë, mund të inspektojë regjistrimet e llogarive të të licencuarit dhe të kërkojë një auditim teknik dhe/ose kontabël të aktiviteteve të tij.

7.2 Përfaqësues të autorizuar të ERE-s kanë të drejtë të inspektojnë objektet e të licencuarit, pajisjet dhe dokumentet e tij për të verifikuar përputhjen e kryerjes së aktivitetit të licencuar me kushtet e licencës, si dhe rregulloret dhe rregullat e ERE-s. I licencuari do të sigurojë çdo ndihmë të kërkuar, të nevojshme për ERE-n gjatë këtij inspektimi.

7.3 Në bazë të ankesës së çdo pale të tretë ose me iniciativën e saj, ERE mund të nisë një kontroll mbi zbatimin nga i licencuari të kushteve të licencës së tij ose të rregulloreve dhe rregullave të miratuara nga ERE.

7.4 I licencuari do të informojë ERE-n duke dhënë shpjegimet dhe arsyet për çdo shkelje të këtyre kushteve të licencës brenda një jave nga momenti kur kjo shkelje bëhet e njohur për të licencuarin.

7.5 Nëse pas kontrollit, ERE konkludon se i licencuari nuk i ka zbatuar kushtet e licencës, (ERE mund të korrigjojë tarifën dhe kontratat e të licencuarit dhe/ose të marrë masa të tjera brenda qëllimit të autoritetit të tij për të mbrojtur) interesat e konsumatorëve të energjisë elektrike.

8. ZGJATJA E AFATEVE TË LICENCËS

8.1 I licencuari mund të aplikojë me shkrim në ERE për zgjatjen e afateve të kësaj licence, duke paraqitur arsyet për zgjatjen e kërkuar.

8.2 ERE mund të zgjasë afatet nëse sheh argumente bindëse, dhe kjo zgjatje është e vlefshme për periudhën kohore të përcaktuar nga ERE.

8.3 I licencuari do ta njoftojë ERE-n me shkrim, menjëherë dhe në çdo rast jo më vonë se 60 ditë para çdo daeë të përfundimit të vendosur në aneksin B, kur bëhet e dukshme për të licencuarin se mund të jetë i paaftë të plotësojë datën e përfundimit. Në një rast të tillë, i licencuari mund të aplikojë për një zgjatje të afateve të licencës sipas paragrafëve 9.1 dhe 9.2.

9. RAPORTIMI

9.1 I licencuari do t'i paraqesë ERE-s një raport që përmbledh aktivitetet e tij lidhur me zbatimin e fazave të projektit për ndërtimin dhe instalimin e centralit elektrik.

9.2 Nëse i licencuari përjeton një ngjarje të forcës madhore gjatë afatit të caktuar për ndërtimin dhe instalimin e centralit elektrik dhe prodhimin e energjisë elektrike do të njoftojë pa vonesë ERE-n duke kërkuar një zgjatje të këtij afati në përputhje me dispozitat e kësaj licence.

10. AMENDAMENTET E LICENCËS

10.1 ERE mund të amendojë kushtet e licencës në rast se nuk përputhen me:

a) ligjet në fuqi, vendimet e Qeverisë ose çdo rregullore dhe rregull të ERE-s;

b) vendimet e formës së prerë të gjykatave në Republikën e Shqipërisë.

10.2 Në çdo kohë, i licencuari ose ERE mund të propozojnë çdo amendament tjetër të kushteve të kësaj licence, përveç atyre të përcaktuara në paragrafin 10.1, duke i transmetuar palës tjetër një propozim me shkrim, së bashku me çdo argument mbështetës.

11. HEQJA E LICENCËS

11.1 Në bazë të kërkesës me shkrim të të licencuarit, ERE mund ta heqë këtë licencë.

11.2 ERE mund ta heqë këtë licencë pas një njoftimi prej 60 ditësh, kur i licencuari dështon, për arsye që i atribuohen atij në përfundimin e ndërtimit të Centralit ose të çdo faze të projektit siç është përcaktuar në aneksin B.

11.3 ERE mund ta heqë këtë licencë kur i licencuari shkel legjislacionin në fuqi, çdo rregullore ose rregull të ERE-s ose kushtet e kësaj licence.

11.4 ERE mund ta heqë këtë licencë kur i licencuari deklarohet i falimentuar ose kanë filluar procedurat e likuidimit sipas ligjit nr.8017, datë 25.10.1995 “Për procedurat e falimentimit”

11.5 Nëse i licencuari, aksionari kryesor ose ortakët ndryshojnë statusin e tyre ligjor pa një autorizim të veçantë nga ERE, licenca bëhet e pavlefshme dhe e anulueshme dhe pasuesi i të licencuarit do të aplikojë për një licencë të re në përputhje me procedurat e ERE-s për dhënien e licencave.

11.6 Heqja e licencës do të bëhet në përputhje me procedurat e heqjes së licensës të parashikuara në kapitullin IV të rregullores për procedurat e licencimit.

12. PAGESAT E RREGULLIMIT

12.1 I licencuari është i detyruar t’i paguajë ERE-s pagesën e licencës ose pagesa të tjera të aplikueshme sipas ligjit nr.9072, datë 22.5.2002 “Për sektorin e energjisë elektrike” ose ndonjë ligj tjetër.

13. ZGJIDHJA E MOSMARRËVESHJEVE DHE E DREJTA PËR APELIM

13.1 Çdo çështje e diskutueshme ose kërkesë ndërmjet të licencuarit dhe çdo përdoruesi të sistemit të transmetimit lidhur me aktivitetin dispeçerues ose kushtet e licencës do të zgjidhet sa më shumë që të jetë e mundur me mirëkuptim, në përputhje me legjislacionin në fuqi dhe rregulloret dhe rregullat e ERE-s.

13.2 Mosmarrëveshja ndërmjet të licencuarit dhe një konsumatori ose të licencuarit dhe një të licencuari tjetër që ka të bëjë me një çështje brenda juridiksionit të ERE-s, që nuk mund të zgjidhet nëpërmjet negociatave të palëve, do të zgjidhet nga ERE, pasi të dëgjojë me parë palët, brenda qëllimit të autoritetit të ERE-s dhe në përputhje me rregulloret dhe rregullat e tij.

13.3 Nëse zgjidhja nuk arrihet me mirëkuptim, atëherë ERE, në bazë të petitionit të çdo personi që është palë në këtë mosmarrëveshje do ta zgjidhë mosmarrëveshjen dhe do të nxjerrë vendimin e tij në përputhje me legjislacionin në fuqi dhe rregulloret dhe rregullat e saj.

13.4 Çdo palë në konflikt mund të apelojë kundër vendimeve të ERE-s në Gjykatën e Shkallës së Parë Tiranë.

13.5 Palët janë të detyruara t’u binden vendimeve të përkohshme të ERE-s në pritje të apelimit në Gjykatën e Shkallës së Parë Tiranë ose në ndonjë gjykatë tjetër të Republikës së Shqipërisë me kompetencë juridiksionale.

13.6 Vendimet e ERE-s lidhur me dhënien, amendimin, heqjen e kësaj Liçense, ose lidhur me çdo gjë tjetër ose pagesë të vlerësuar nga ERE, mund të apelojnë në rrugë administrative ose në gjykatë.

LICENCË
PËR NDËRTIMIN DHE INSTALIMIN E CENTRALIT ELEKTRIK ME KAPACITET TË
PËRGJITHSHËM JO MË TË MADH SE 5 MW

Emri i plotë i të licencuarit

Seria : _____ Numri i licencës: _____

Data e hyrjes në fuqi të këtij aneksi: _____

ANEKSI A

LISTË TË DHËNASH MBI NDËRTIMIN DHE INSTALIMIN E CENTRALIT
ELEKTRIK

Tipi dhe modeli i centralit	
Vendndodhja e centralit	
Fuqia e tij në MW	
Numri i njësive gjeneruese	
Sasia vjetore e energjisë që do të prodhojë	
Skema elektrike principale e centralit	

LICENCË
PËR NDËRTIMIN DHE INSTALIMIN E CENTRALIT ELEKTRIK ME KAPACITET TË
PËRGJITHSHËM JO MË TË MADH SE 5 MW

Emri i plotë i të licencuarit

Seria : _____ Numri i licencës: _____

Data e hyrjes në fuqi të këtij aneksi: _____

ANEKSI B

AFATI KOHOR PËR NDËRTIMIN DHE INSTALIMIN E CENTRALIT

Fazat e ndërtimit të centralit	
Grafiku i parashikuar i punimeve	
Data e përfundimit të ndërtimit	
Data e vënies në punë	

REPUBLIKA E SHQIPËRISË
ENTI RREGULLATOR I SEKTORIT TË ENERGJISË ELEKTRIKE

LICENCË
PËR PRODHIMIN E ENERGJISË ELEKTRIKE ME CENTRALE ELEKTRIKE ME
KAPACITET TË PËRGJITHSHËM JO MË TË MADH SE 5 MW

Licenca i jepet:

Emri i plotë i të licencuarit

(Emri i plotë i të licencuarit)

Seria: _____

Numri i licencës: _____

Data e hyrjes në fuqi të këtij aneksi: _____

ANEKSI C

LISTA E AUTORIZUAR
E IMPIANTEVE DHE E NJËSIVE GJENERUESE TË ENERGJISË ELEKTRIKE

Impianti	Numri i njësisë	Kapaciteti i instaluar	Data e vënies në shërbim

VENDIM
Nr.46, datë 14.10.2004

**PËR MIRATIMIN E LICENCËS PËR PRODHIMIN E ENERGJISË ELEKTRIKE NGA
CENTRALET ELEKTRIKE ME KAPACITET TË PËRGJITHSHËM JO MË TË MADH SE
5 MW**

Në mbështetje të ligjit nr.9072, datë 22.5.2003 "Për sektorin e energjisë elektrike", neni 13 pika 1 germa a dhe neni 15, Bordi i Komisionerëve të ERE-s, në mbledhjen e tij të datës 14.10.2004, pasi shqyrtoi draftin e paraqitur nga Departamenti i Licencave dhe i Monitorimit dhe Departamenti Çështjeve Ligjore dhe i Marrëdhënieve me Publikun:

VENDOSI:

1. Miratimin e licencës për prodhimin e energjisë elektrike nga centralet elektrike me kapacitet të përgjithshëm jo më të madh se 5 MW. (Licenca bashkëngjitur vendimit).
2. Shfuqizimin e licencës së prodhimit të miratuar me vendimin nr.9 datë 25.6.2003 "Për miratimin e licencës për prodhuesit e energjisë elektrike me fuqi më të vogël se 5 MW" të Këshillit Drejtues të Entit Rregullator të Sektorit të Energjisë Elektrike.
3. Ky vendim hyn në fuqi menjëherë dhe botohet në Fletoren Zyrtare.

KRYETARI I ERE-S
Pjetër Dema

REPUBLIKA E SHQIPËRISË
ENTI RREGULLATOR I SEKTORIT TË
ENERGJISË ELEKTRIKE

LICENCË
PËR PRODHIMIN E ENERGJISË ELEKTRIKE NGA CENTRALET ELEKTRIKE EKZISTUESE
ME KAPACITET TË PËRGJITHSHËM JO MË TË MADH SE 5 MW

Seria: _____ Numri i licencës: _____

Data e hyrjes në fuqi: _____
(Vendim i ERE-s, nr. _____, datë ____ . ____ . ____)

Licenca i jepet: _____
(Emri dhe adresa zyrtare)

Centrali : _____
(Emërtimi, vendndodhja)

Kodi fiskal: _____

Certifikata e regjistrimit: _____
(Seria, numri, vendi i regjistrimit)

Bazuar në autoritetin që i është dhënë në pjesën e tretë të ligjit nr.9072, datë 22.5.2003 “Për sektorin e energjisë elektrike”, Enti Rregullator i Sektorit të Energjisë Elektrike (ERE) i jep këtë licencë prodhimi të energjisë elektrike me centrale elektrike ekzistuese, me kapacitet të përgjithshëm jo më të madh se 5 MW (Licenca), për të kryer aktivitetin e prodhimit të energjisë elektrike (PEE), personit të lartpërmendur, i quajtur “I licencuari”, subjekt i kushteve të kësaj licence. Kjo licencë hyn në fuqi në datën e shkruar më lart dhe do të vazhdojë të jetë në fuqi për një periudhë prej ____ muaj/vjetësh, në rast se nuk përfundohet ose pezullohet nga ERE në përputhje me kushtet e licencës të përfshira këtu.

[KRYETARI]

REPUBLIKA E SHQIPËRISË
ENTI RREGULLATOR I SEKTORIT TË ENERGJISË ELEKTRIKE

KUSHTET E LICENCËS
PËR PRODHIMIN E ENERGJISË ELEKTRIKE NGA CENTRALET ELEKTRIK EKZISTUESE
ME KAPACITET TË PËRGJITHSHËM JO MË TË MADH SE 5 MW

Seria: _____

Numri i licencës: _____

I jepet: _____
(Emri i plote i të licencuarit)

1. DISPOZITA TË PËRGJITHSHME

1.1 ERE është autoriteti i vetëm në Republikën e Shqipërisë, i njohur sipas pjesës së tretë të ligjit nr.9072, datë 22.5.2003 “Për sektorin e energjisë elektrike”, për të lëshuar dhe deklaruar hyrjen në fuqi të kësaj licence.

1.2 Kjo licencë do të jetë e vlefshme (do të jetë në fuqi) për një periudhë ____ muajsh/vjetësh për aktivitetin e prodhimit të energjisë elektrike me centrale elektrike me kapacitet të përgjithshëm jo më të madh se 5 MW.

1.3 Nëse ndonjë kusht i kësaj licence bëhet nul ose shfuqizohet, ky kusht do të hiqet nga kushtet e licencës dhe kushtet e mbetura të licencës do të vazhdojnë të jenë plotësisht në fuqi.

1.4 Asetet dhe licenca nuk mund të transferohen te një person tjetër qoftë tërësisht, apo pjesërisht pa një vendim të vaçantë me shkrim të ERE-s.

1.5 ERE ka të drejtën ekskluzive për të ndryshuar këtë licencë, në rast se kushtet dhe rrethanat kanë ndryshuar, si dhe për të përmbushur dispozitat e çdo kodi rrjeti, kodi shpërndarjeje, kodi matës ose rregulla tregu të miratuara nga ERE sipas legjislacionit në fuqi.

1.6 Në çdo kohë, i licencuari do të mbajë vetëm një licencë për prodhimin e energjisë elektrike me centrale elektrike me kapacitet të përgjithshëm jo më të madh se 5 MW.

1.7 Heqja e një prej lejeve apo autorizimeve të lëshuara nga organet kompetente përbën kusht për heqjen e kësaj licence.

1.8 Fjalët dhe frazat e mëposhtme të përfshira në licencë, kushtet e licencës dhe anekset, kur përdoren, do të kenë kuptimet e mëposhtme:

Shërbimet ndihmëse

Shërbimet e kërkuara për të ruajtur standarte të përcaktuara sigurie, qëndrueshmërie dhe cilësie të energjise elektrike. Shërbimet ndihmëse përfshijnë: kompensimin reaktiv të energjisë, kontrollin fuqi-frekuencë, nivelet e tensionit, mirëmbajtjen dhe lëshimin e shpejtë të kapaciteteve rezervë dhe shërbime të tjera të këtij lloji.

Biznesi shoqërues

Çdo biznes tjetër që direkt ose indirekt, tërësisht ose pjesërisht:

1. është pronë e të licencuarit; ose

2. ka pronësi të licencuarin; ose

3. është në pronësi të një personi, i cili është pronë e të licencuarit.

Ndërsubvencionimet

Transferim fondesh ose ndarje kostosh brenda llogarive të të licencuarit ose ndërmjet bizneseve shoqëruese për mbështetje financiare të një aktiviteti ose biznesi me koston e një tjetri.

Furnizimi me energji elektrike

Është dërgimi ose shitja e energjisë elektrike te klienti.

ERE

“ERE” do të thotë Enti i Rregullimit të Sektorit të Energjisë Elektrike ose institucioni pasues rregullator.

Forca madhore

Një ngjarje ose një akt natyror apo shoqëror që ndodh në vend, si tërmetet, ciklonet, rrufetë, përmytjet, shpërthimet vullkanike, zjarret apo lufta, konfliktet e armatosura, kryengritjet, aktet terroriste ose ushtarake, të cilat pengojnë të licencuarin të përmbushë detyrimet e tij sipas licencës, ose akte apo ngjarje të tjera të cilat:

i) janë jashtë kontrollit të mundshëm të të licencuarit dhe nuk ndodhin për faj të tij;

ii) i licencuari nuk është në gjendje t'i eliminojë ato, edhe pse ka ushtruar siç duhet aftësitë, përpjekjet dhe kujdesin e tij.

Prodhimi

Prodhimi i energjisë elektrike me centrale elektrike me kapacitet të përgjithshëm jo më të madh se 5 MW, nëpërmjet transformimit të burimeve të ndryshme energjitike nga njësitë e prodhimit të të licencuarit.

Njësi prodhimi

Njësitë individuale dhe/ose pajisjet kryesore të impiantit ose impianteve me kapacitet të përgjithshëm jo më të madh se 5 MW të poseduara nga i licencuari për prodhim të energjisë elektrike siç përshkruhen në mënyrë më të plotë në aneksin A.

Legjislacioni në fuqi

Ligjet e Republikës së Shqipërisë të miratuara nga Kuvendi i Shqipërisë dhe aktualisht në fuqi.

Licencë

Licencë e dhënë nga ERE që autorizon të licencuarin të prodhojë energji elektrike me centrale elektrike ekzistuese me kapacitet të përgjithshëm jo më të madh se 5 MW.

Aktiviteti i licencuar

Prodhimi i energjisë elektrike me centrale elektrike me kapacitet jo më të madh se 5 MW nga i licencuari, përfshirë aktivitetet e nevojshme të lidhura me prodhimin e saj.

I licencuari

Personi që mban këtë licencë për prodhimin e energjisë elektrike me centrale elektrike me kapacitet të përgjithshëm jo më të madh se 5 MW, i përmendur në faqen e parë të kësaj licence.

Licencë për furnizimin e energjisë elektrike me tarifa të rregulluara

Licencë e dhënë nga ERE, që autorizon të licencuarin të sigurojë furnizim me energji elektrike për konsumatorët brenda një zone gjeografike të caktuar me tarifa të rregulluara nga ERE.

Furnizimi me energji elektrike

Përfshin furnizimin me energji elektrike dhe të fuqisë së siguar, përveç kur konteksti e kërkon ndryshe.

Personi

Person do të thotë çdo person fizik ose juridik.

Central elektrik

Tërësia e gjithë sistemit të pajisjeve, përfshirë njësitë e prodhimit me kapacitet të përgjithshëm jo më të madh se 5 MW të dhëna në aneksin A, pajisjet sekondare të përfshira në të, ato që kryejnë furnizimin me lëndë djegëse, pajisjet shndërruese të tensionit të lartë dhe disa objekte jashtë zonës ku është vendosur ai (p.sh. ujësjellës, zona të depozitimit të mbetjeve teknologjike) etj. Asetet, të prekshme ose jo të prekshme, që zotërohen ose kontrollohen tërësisht ose pjesërisht, në datën e hyrjes në fuqi të kësaj licence ose që blihen tërësisht ose pjesërisht në çdo kohë gjatë afatit të licencës nga i licencuari dhe përdoren për qëllimin e prodhimit të energjisë elektrike.

Sistemi elektroenergjetik

Sistemi i ndërlidhur që përbëhet nga centralet elektrike, linjat, nënstacionet dhe pajisjet për transmetimin ose shpërndarjen e energjisë elektrike te konsumatorët brenda territorit të Republikës së Shqipërisë.

Tarifat e rregulluara

Një tarifë aktualisht në fuqi, e aprovuar nga ERE sipas legjislacionit në fuqi.

Rregulloret dhe rregullat

Standardet, kodet, rregulloret, urdhrat dhe rekomandime të tjera në fuqi të miratuara nga ERE.

Transferimi

Transferim do të thotë çdo shitje, dhënie me qira, ose ndonjë disponim tjetër, i plotë ose i pjesshëm, i së drejtës për t'u angazhuar në aktivitetin e licencuar.

Operatori i sistemit të transmetimit (OST)

Personi i licencuar, përgjegjës për aktivitetet e transmetimit dhe dispeçerimit dhe për procesin e kontrollit të operimit të centraleve prodhuese elektrike dhe faciliteteve të tjera të industrisë së energjisë elektrike për të siguruar stabilitetin, qëndrueshmërinë, sigurinë dhe operimin eficient të sistemit elektroenergjetik.

Shpërndarësi i energjisë elektrike (SHEE)

Shpërndarës i energjisë elektrike me tarifa të rregulluara brenda territorit të autorizuar që mban licencë e dhënë nga ERE për këtë aktivitet.

2. KRYERJA E AKTIVITETIT TË LICENCUAR

2.1 I licencuari autorizohet nga kjo licencë për të ushtruar aktivitetin e licencuar në centralët elektrike që përdorin njësitë prodhuese të specifikuara në aneksin A. I licencuari, në çdo kohë dhe në çdo aspekt të aktivitetit të tij të licencuar, do të prodhojë energji elektrike në përputhje me standartet e paraqitura në rregulloret dhe rregullat e miratuara nga ERE.

2.2 I licencuari do të njoftojë menjëherë ERE-n për çdo ndryshim në kapacitetin e secilit prej njësive prodhuese ose të centraleve elektrike të identifikuara në aneksin A që rrisin ose ulin kapacitetin prodhues të disponueshëm nga i licencuari në një mënyrë që mund të ndikojë shumë në shërbimin e konsumatorëve për një periudhë më të madhe se 30 ditë.

2.3 Çdo rritje e kapacitetit të disponueshëm, që kalon 30% të sasisë së kapacitetit të përgjithshëm të identifikuar në aneksin A, me përjashtim të periudhave të përkohshme që zgjasin më pak se dymbëdhjetë muaj, do të kërkojë një amendim të kesaj licence.

2.4 I licencuari do të informojë ERE-n, si dhe operatorin e sistemit të transmetimit mbi reduktimin e pjesshëm ose të plotë të kapacitetit prodhues, të paktën një vit para realizimit të tij duke paraqitur një shpjegim të detajuar për këtë qëllim. ERE mund ta përjashtojë të licencuarin nga ky detyrim në rast se reduktimi i kapacitetit të prodhimit shkaktohet nga një forcë madhore.

2.5 Planifikimi, ndërtimi dhe futja në punë e kapaciteteve prodhuese të energjisë elektrike, si dhe instalimet e tjera që lidhen me to do të kryhen nga i licencuari në përputhje me rregulloret dhe rregullat në fuqi të miratuara nga ERE.

2.6 I licencuari nuk mund ta përdorë këtë licencë për njësi prodhimi apo centrale elektrike me kapacitet të përgjithshëm më të madh se 5 MW.

2.7 Gjatë kryerjes së aktivitetit të tij, të licencuarit i kërkohet të sigurojë jetën dhe shëndetin e njerëzve, si dhe pronat e tyre në përputhje me legjislacionin, rregulloret dhe rregullat e tjera në fuqi.

2.8 I licencuari nuk do të pengojë, parandalojë ose tentojë të pengojë të licencuarit e tjerë ose konkurrentët potencialë që të angazhohen ose të hyjnë në mënyrë të ligjshme në biznesin elektrik në Republikën e Shqipërisë.

2.9 I licencuari nuk do të angazhohet në asnjë formë aktiviteti monopol të ndaluar nga legjislacioni në fuqi ose rregulloret dhe rregullat e aprovuara nga ERE.

2.10 I licencuari do ta kryejë aktivitetin e licencuar në përputhje me parimet e efikasitetit ekonomike dhe objektivin për arritjen e kostove më të ulëta.

2.11 I licencuari do të ndërmarrë të gjitha masat e nevojshme për të rritur efikasitetin operative dhe ekonomike të aktivitetit të licencuar me qëllim që të sigurojë cilësinë dhe qëndrueshmërinë e shërbimeve të kryera në përfitim të konsumatorëve.

2.12 I licencuari nuk duhet të angazhohet në aktivitete të tjera që pengojnë ose mund të pengojnë kryerjen e duhur të aktivitetit të licencuar. I licencuari do të informojë ERE-n para se të ndërmarrë ndonjë aktivitet, përveç aktivitetit të licencuar. ERE mund ta ndalojë të licencuarin të kryejë çdo aktivitet, përveç aktivitetit të licencuar, kur konstaton se interesat e konsumatorëve mund të dëmtohen.

2.13 I licencuari do të informojë ERE-n për ngritjen e çdo biznesi shoqërues.

2.14 I licencuari nuk do të bashkëpunojë në asnjë mënyrë me të licencuar të tjerë për përgatitjen dhe negocimin e çështjeve të ERE-s që lidhen ose që ndikojnë në tarifat e energjisë elektrike ose në pagesat e tjera të konsumatorëve, ose të bashkëpunojë në ndonjë mënyrë lidhur me aktivitetin e licencuar në dëm të furnizuesve ekzistues ose potencialë ose të konsumatorëve, përveç kur i kërkohet shprehimisht nga rregulloret dhe rregullat e ERE-s.

2.15 Për të lehtësuar kryerjen e aktivitetit të licencuar, i licencuari mund të kërkojë të drejtat e përdorimit dhe shpronësimit në përputhje me legjislacionin në fuqi. I licencuari, në bazë të legjislacionit në fuqi, ka të drejtën të blejë truall, prona të tjera dhe të kryejë punë ndërtuese përsa kohë këto veprime përputhen me rregulloret dhe rregullat e ERE-s.

3. DETYRIMET E TË LICENCUARIT

3.1 I licencuari do të zbatojë legjislacionin në fuqi dhe të gjitha rregulloret dhe rregullat e miratuara nga ERE.

3.2 Llogaritë dhe raportimi

3.2.1 I Licencuari do të mbajë regjistra llogarie dhe do të përgatisë bilance financiare, të cilat do të mbahen të ndara për aktivitetin e licencuar dhe çdo aktivitet tjetër (përfshirë aktivitete të tjera të licencuara) ku është angazhuar i licencuari, në përputhje me rregullat dhe procedurat e kontabilitetit të miratuara nga ERE dhe në përputhje me ligjin nr.7961, datë 19.1.1993 “Për kontabilitetin”, nenin 33 të ligjit nr.9072, datë 22.5.2003 “Për sektorin e energjisë elektrike” dhe standartet ndërkombëtare të kontabilitetit. I licencuari do t’i dorëzojë ERE-s bilancet financiare vjetore deri në fund të tremujorit të parë të vitit pasardhës.

3.2.2 Të licencuarit i kërkohet të përgatisë dhe t’i paraqesë ERE-s deri në fund të muajit shkurt, një raport vjetor lidhur me operimet e tij gjatë vitit kalendarik të mëparshëm dhe që përmban sa më poshtë:

1. një përmbledhje dhe analizë të aktiviteteve të të licencuarit;
2. prodhimin e energjisë elektrike gjatë vitit;
3. cilësinë e prodhimit dhe detaje të çdo mase të marrë për përmirësimin e cilësisë së prodhimit;
4. çdo defekt të ndodhur gjatë vitit;
5. detaje mbi çdo ndryshim të bërë në asetet e prodhimit, përfshirë detaje të çdo elementi që është zgjeruar, nxjerrë jashtë përdorimit ose zëvendësuar gjatë vitit.

3.2.3 Nëse i licencuari parashikon një situatë emergjence, siç përcaktohet nga legjislacioni në fuqi, i licencuari do të njoftojë pa vonesë ERE-n dhe ky njoftim do të përkrahë çfarë masash do të marrë i licencuari për të parandaluar ose përmirësuar ndikimet e situatës emergjente në prodhimin e energjisë elektrike.

3.2.4 I Licencuari do të ndajë shpenzimet e përbashkëta ndërmjet aktivitetit të tij të licencuar për prodhimin e energjisë elektrike dhe aktiviteteve të tjera, mbi një bazë të arsyeshme, që të mos cenojë cilësinë e shërbimit për aktivitetet e licencuara, në përputhje me pikën 3.2.1 të kësaj licence. I licencuari do t’i paraqesë ERE-s dokumentacionin që tregon bazat për ndarjen e shpenzimeve të përbashkëta, si dhe rezultatet e arritura.

3.2.5 I licencuari do të njoftojë ERE-n brenda 10 ditëve për çdo ndryshim të:

- a) adresës;
- b) statutit të të licencuarit;
- c) certifikatës së regjistrimit;
- d) kodit fiskal;
- e) administratorin;
- f) strukturës së aseteve me mbi 30%.

3.2.6 Gjithë njoftimet zyrtare, aplikimet, peticionet, deklaratat ose korrespondenca tjetër me ERE-n lidhur me detyrimet sipas kësaj licence duhet të jenë me shkrim, duke caktuar respektivisht nga një zyrtar të autorizuar ose përfaqësues tjetër të të licencuarit ose të ERE-s. Këto dërgohen me korrier ose postë të regjistruar, duke kërkuar një verifikim të fletës së marrjes. Adresat e palëve duhet të vendosen mbi zarf. Gjithë njoftimet ose korrespondenca tjetër do të konsiderohen se hyjnë në fuqi nga momenti i dorëzimit, ose nëse nuk janë dorëzuar për shkak të gabimit të dërguesit, nga momenti i prezantimit.

3.3 Përdorimi i informacionit

3.3.1 I licencuari do të sigurojë që çdo informacion i marrë nga të tjerë, si rezultat i aktivitetit të tij të licencuar, nuk do t'i jepet askujt, me përjashtim të rasteve kur:

- a) jepet pëlqimi paraprak me shkrim i personit me të cilin lidhet informacioni;
- b) kur informacioni është bërë publik;
- c) të licencuarit i kërkohet ose i lejohej të përhapë informacionin për të përmbushur kushtet e kësaj licence sipas një urdhri të ERE-s, ose çdo dispozite ligjore të aplikueshme.

3.3.2 I licencuari do të sigurojë që çdo biznes shoqërues nuk do të përdorë asnjë informacion në posedim të të licencuarit për të fituar një avantazh konkurrues të pajustificuar dhe do të sigurojë që nuk do të përhapë asnjë informacion te ndonjë person tjetër (përfshirë ata të një biznesi tjetër shoqërues), gjë që do të mundësonte këtë person të fitonte çdo lloj avantazhi komercial të pajustificuar.

3.3.3 I licencuari do të hartojë dhe do t'i paraqesë ERE-s procedurat për të siguruar respektimin e paragrafëve 3.3.1 dhe 3.3.2. Me kërkesën e ERE-s, i licencuari do të ndërmarrë çdo hap të nevojshëm për të ruajtur informacionin konfidencial në posedim të të licencuarit dhe për t'i dorëzuar ERE-s raporte lidhur me përmbushjen e detyrimeve të specifikuara në paragrafet 3.3.1 dhe 3.3.2.

3.3.4 Informacioni i dërguar ERE-s nga i licencuari do të konsiderohet publik me përjashtim të rasteve kur, me kërkesë specifike të të licencuarit, ERE, me vendim, përcakton që ky informacion është i natyrës pronësore dhe se përhapja e tij nuk i shërben interesit publik.

3.4 Detyrimet ndaj operatorit të sistemit të transmetimit dhe marrëdhëniet me shpërndarësit e energjisë elektrike

3.4.1 I licencuari do ta vendosë të gjithë kapacitetin prodhues të njërive të tij prodhuese, në rast të integritetit në sistemin elektroenergjetik, në dispozicion të operatorit të sistemit të transmetimit, me qëllim që ky të arrijë koordinimin e ekuilibrit të bilanceve elektroenergjetike brenda sistemit elektroenergjetik.

3.4.2 I licencuari do të respektojë kodin e funksionimit të shpërndarjes, si dhe rregulloret dhe rregullat e operatorit të sistemit të transmetimit dhe shpërndarësit e energjisë elektrike të aprovuara nga ERE, përfshirë kryerjen e të gjitha urdhrave operative, instruksioneve ose udhëzimeve dhe dorëzimin e informacionit teknik dhe të gjithë dokumentacionit tjetër të kërkuar.

3.4.3 I licencuari do të zbatojë rregulloren e miratuar nga ERE për lehtësimin e hyrjes në rrjet të centraleve elektrike me kapacitet të përgjithshëm jo më të madh se 5 MW.

3.4.4 I licencuari do të sigurojë shërbime ndihmëse sa herë do t'i kërkohet për ta bërë këtë nga operatori i sistemit të transmetimit dhe në përputhje me rregulloret, rregullat dhe kodet e transmetimit dhe të shpërndarjes të aprovuara nga ERE.

3.4.5 Kontratat për shitje të energjisë elektrike nga i licencuari do të regjistrohen tek operatori i sistemit të transmetimit vetëm kur aprovohen nga ERE.

3.4.6 Gjithë kontratat për furnizim energjie elektrike (marrëveshjet për blerje energjie elektrike) ndërmjet të licencuarit dhe subjekteve të tjera duhet të përputhen me kontratat model të miratuara nga ERE.

3.5 Pagesat e Rregullimit

3.5.1 I licencuari do të paguajë taksën rregullatore në mënyrë të rregullt dhe të vazhdueshme gjatë afatit të kësaj licence, siç përcaktohet nga ERE, në përputhje me nenin 12 të ligjit nr.9072, datë 22.5.2003 "Për sektorin e energjisë elektrike" dhe rregulloret e aplikueshme të ERE-s.

4. KONTROLLI MBI KRYERJEN E AKTIVITETIT TË LICENCUAR

4.1 ERE do të monitorojë zbatimin e kushteve të licencimit nga i licencuari, do të shqyrtojë raportet e marra nga i licencuari dhe, në çdo kohë, mund të inspektojë regjistrimet e llogarive të të licencuarit dhe të kërkojë një auditim teknik dhe/ose kontabël të aktiviteteve të tij.

4.2 Përfaqësues të autorizuar të ERE-s kanë të drejtë të inspektojnë objektet e të licencuarit, pajisjet dhe dokumentet e tij për të verifikuar përputhjen e kryerjes së aktivitetit të licencuar me kushtet e licencës, si dhe rregulloret dhe rregullat e ERE-s. I licencuari do të sigurojë çdo ndihmë të kërkuar, të nevojshme për ERE-n gjatë këtij inspektimi.

4.3 Në bazë të ankesës së çdo pale të tretë ose me inisiativën e saj, ERE mund të nisë një kontroll mbi zbatimin nga i licencuari të kushteve të licencës së tij ose të rregulloreve dhe rregullave të miratuara nga ERE.

4.4 I licencuari do të informojë ERE-n duke dhënë shpjegimet dhe arsyet për çdo shkelje të këtyre kushteve të licencës brenda një jave nga momenti kur kjo shkelje behet e njohur për të licencuarin.

Nëse pas kontrollit ERE konkludon se i licencuari nuk i ka zbatuar kushtet e licences, ERE mund të korrigjojë tarifat dhe kontratat e të licencuarit dhe/ose të marrë masa të tjera brenda qëllimit të autoritetit të tij për të mbrojtur interesat e konsumatorëve të energjisë elektrike.

5. AMENDAMENTI I LICENCES

5.1 ERE mund të amendojë kushtet e licencës në rast se ato nuk përputhen me:

a) legjislacionin në fuqi dhe vendimet e Qeverisë së Republikës së Shqipërisë, që janë në përputhje me legjislacionin në fuqi;

b) vendimet e nxjerra nga Gjykata e Shkallës Parë Tiranë ose një gjykatë tjetër shqiptare me kompetencë juridiksionale.

5.2 Në çdo kohë i licencuari ose ERE mund të propozojnë amendamente të tjera për keto kushte licence, përveç atyre të përcaktuara në paragrafin 5.1, duke i dërguar një propozim me shkrim, së bashku me çdo argument mbështetës, palës tjetër.

5.3 ERE do të marrë vendimin përfundimtar vetëm pasi të marrë në konsideratë interesat e konsumatorëve dhe të licencuarve të tjerë. Personat e interesuar do të informohen me shkrim për çdo amendament të propozuar. Nëse ERE dhe i licencuari arrijnë një marrëveshje për këto amendamente, kushtet e licencës do të amendohen. Nëse marrëveshja nuk arrihet, i licencuari mund të apelojë vendimin e ERE-s në Gjykatën e Shkallës së Parë Tiranë.

6. PEZULLIMI DHE HEQJA E LICENCËS

6.1 ERE mund ta pezullojë ose përfundojë licencën në përputhje me rregulloret dhe rregullat e ERE-s kur:

a) i licencuari kërkon revokimin e licencës;

b) i licencuari shkel kushtet e licencës;

c) i licencuari shkel legjislacionin në fuqi;

d) i licencuari deklarohet i falimentuar dhe është i paaftë të përmbushë detyrimet e kushteve të licencës;

e) i licencuari ka marrë licencën duke mashtruar.

6.2 Nëse i licencuari, aksioneri kryesor ose ortakët ndryshojnë statusin e tyre ligjor pa një autorizim të vaçantë nga ERE, licenca bëhet nul (e pavlefshme) dhe anulohet, dhe pasuesi i të licencuarit do të aplikojë për një licencë të re në përputhje me procedurat e ERE-S për dhënien e licencave.

7. ZGJIDHJA E MOSMARRËVESHJEVE DHE E DREJTA PËR APELIM

7.1 Çdo çështje e diskutueshme ose kërkesë ndërmjet të licencuarit dhe çdo Përdoruesi të sistemit të transmetimit lidhur me aktivitetin dispeçerues ose kushtet e licencës do të zgjidhet sa më shumë që të jetë e mundur me mirëkuptim, në përputhje me legjislacionin në fuqi dhe rregulloret dhe rregullat e ERE-s.

7.2 Mosmarrëveshja ndërmjet të licencuarit dhe një konsumatori ose të licencuarit dhe një të licencuari tjetër që ka të bëjë me një çështje brenda juridiksionit të ERE-s që nuk mund të zgjidhet nëpërmjet negociatave të palëve, do të zgjidhet nga ERE, pasi të dëgjojë më parë palët, brenda qëllimit të autoritetit të ERE-s dhe në përputhje me rregulloret dhe rregullat e tij.

7.3 Nëse zgjidhja nuk arrihet me mirëkuptim, atëherë ERE, në bazë të peticionit të çdo personi që është palë në këtë mosmarrëveshje do ta zgjidhë mosmarrëveshjen dhe do të nxjerrë vendimin e saj në përputhje me legjislacionin në fuqi dhe rregulloret dhe rregullat e saj.

7.4 Çdo palë në konflikt mund të apelojë kundër vendimeve të ERE-s në Gjykatën e Shkallës së Parë Tiranë.

7.5 Palët janë të detyruara t'u binden vendimeve të përkohshme të ERE-s në pritje të apelimit në Gjykatën e Shkallës së Parë Tiranë ose në ndonjë gjykatë tjetër të Republikës së Shqipërisë me kompetencë juridiksionale.

REPUBLIKA E SHQIPËRISË
ENTI RREGULLATOR I SEKTORIT TË ENERGJISË ELEKTRIKE

LICENCË
PËR PRODHIMIN E ENERGJISË ELEKTRIKE ME CENTRALE ELEKTRIKE EKZISTUESE
ME KAPACITET TË PËRGJITHSHËM JO MË TË MADH SE 5 MW

Licenca i jepet:

(Emri i plotë i të licencuarit)

Seria: _____

Numri i licencës: _____

Data e hyrjes në fuqi të këtij aneksi: _____

ANEKSI A

LISTA E AUTORIZUAR
E IMPIANTEVE DHE E NJËSIVE GJENERUESE TË ENERGJISË ELEKTRIKE

Impianti	Numri i njësisë	Kapaciteti i instaluar	Data e vënies në shërbim

VENDIM
Nr.47, datë 14.10.2004

PER PËRCAKTIMIN E ÇMIMIT TË SHITJES SË ENERGJISË ELEKTRIKE NGA
KOMPANIA “JUANA” SHPK

Në mbështetje të ligjit nr.9072 datë 22.5.2003 “Për sektorin e energjisë elektrike”, neni 8 pika 2 germa b dhe neni 26, Bordi Komisionerëve të ERE-s në mbledhjen e tij të datës 14.10.2004, pasi shqyrtoi aplikimin e paraqitur nga kompania “Juana” sh.p.k., për përcaktimin e çmimit të shitjes së energjisë elektrike dhe relacionin e Departamentit të Tarifave dhe të Çmimeve, mbi bazën e një analize të hollësishme të koston :

VENDOSI:

1. Çmimi i shitjes së energjisë elektrike të prodhuar nga kompania “JUANA” sh.p.k. për periudhën 1.1.2004 – 31.12.2004, të jetë 4,55 lekë/kWh.
2. Ngarkohet kompania “Juana” sh.p.k. për zbatimin e këtij vendimi.
3. Ky vendim hyn në fuqi menjëherë dhe botohet në Fletoren Zyrtare.

KRYETARI I ERE-S
Pjetër Dema

VENDIM
Nr.48, datë 21.10.2004

PËR MIRATIMIN E SASISË SË ENERGJISË ELEKTRIKE TË PERLLOGARITUR PËR
T’U FATURUAR AFORFE PËR ABONENTËT FAMILJARË PA MATËSA PËR
PERIUDHËN 1 TETOR 2004 – 31 DHJETOR 2004

Bordi i Komisionerëve të ERE-s në mbledhjen e tij të datës 21.10.2004, gjatë shqyrtimit të relacionit të paraqitur nga Departamenti i Tarifave dhe të Çmimeve në lidhje me aplikimin e KESH sh.a. për sasinë e energjisë elektrike të përlllogaritur për t’u faturuar aforfe për abonentët familjarë pa matje,

KONSTATON SE:

KESH sh.a. gjatë vitit ka kryer faturim aforfe edhe për klientët familjarë që janë të pajisur me matje, por edhe për klientët jofamiljarë. Nuk është paraqitur numri i klientëve familjarë me faturim 0, i ndarë sa janë të pajisur me matësa dhe sa janë pa matësa. Gjithashtu, faturimi aforfe mesatar pa matje që është bërë gjatë vitit, jo në të gjitha rastet ka marrë parasysh zbatimin e përpiktë të vendimit të Bordit të Komisionerëve të ERE-s, duke sjellë si pasojë shkeljen e ligjit. Rritja e faturimit aforfe e propozuar për periudhën 1 tetor 2004–31 dhjetor 2004 është e pajustificueshme duke pasur parasysh se niveli i pritshëm i kufizimeve të energjisë elektrike nga KESH sh.a. është rreth 57 % më i lartë se ai i miratuar nga ana e Qeverisë.

Prandaj, në mbështetje të ligjit nr.9072 datë 22.5.2003 “Për sektorin e energjisë elektrike”, neni 8 pika 2 germa b neni 26 pika 1, si dhe neni 52 pika 2 dhe pika 3, Bordi Komisionerëve të ERE-s,

VENDOSI :

1. Sasia e energjisë elektrike e përlllogaritur për t’u faturuar aforfe për periudhën 1 tetor 2004 –31 dhjetor 2004 të jetë sipas tabelës bashkëngjitur këtij vendimi.
2. Ngarkohet KESH sh.a. për zbatimin e këtij vendimi.
3. Vendimi i Këshillit Drejtues të ERE-s nr.12, datë 29.10.2002 “Për vlerat e faturimit

aforfe për konsumatorët familjarë që nuk kanë matës” shfuqizohet.

Ky vendim hyn në fuqi menjëherë dhe botohet ne Fletoren Zyrtare.

KRYETARI I ERE-S

Pjetër Dema

**SASIA E ENERGJISË ELEKTRIKE E PËRLLOGARITUR PËR T’U FATURUAR AFORFE
PËR ABONENTET FAMILJARË PËR PERIUdhËN E DIMRIT
1 TETOR-31 DHJETOR 2004**

Nr.	EMËRTIMI	QYTET	FSHAT
1	Berat	500	350
2	Bulqizë	450	250
3	Bilisht	400	200
4	Dibër	550	250
5	Durrës	500	400
6	Fier	500	350
7	Gramsh	400	200
8	Gjirokastrë	450	300
9	Has	450	300
10	Kavajë	550	400
11	Kolonjë	400	200
12	Korçë	500	300
13	Krujë	450	350
14	Kuçovë	450	300
15	Kukës	550	300
16	Laç	450	300
17	Lezhë	550	350
18	Librazhd	400	200
19	Lushnjë	450	350
20	Koplik	400	300
21	Mat	450	300
22	Mirditë	550	300
23	Peqin	500	250
24	Përmet	450	250
25	Pogradec	450	200
26	Pukë	450	300
27	Sarandë	500	300
28	Skrapar	400	250
29	Tepelenë	450	300
30	Tiranë Q	600	
31	Tiranë F		400
32	Tropojë	450	300
33	Delvinë	450	300
34	Patos	450	300
35	Ballsh	450	300
36	Vlorë	500	300
37	Shkodër	500	300
38	Elbasan	500	300

VENDIM
Nr.49, datë 21.10.2004

**PËR MIRATIMIN E MËNYRËS SË FATURIMIT TË ENERGJISË ELEKTRIKE PËR
ABONENTËT FAMILJARE DHE JOFAMILJARE ME MATËSA JASHTË KUSHTIT
TEKNIK**

Bordi Komisionerëve të ERE- s, në mbledhjen e tij të datës 21.10.2004, gjatë shqyrtimit të relacionit të paraqitur nga Departamenti i Tarifave dhe i Çmimeve në lidhje me sasinë e energjisë elektrike të përlogaritur për t'u faturuar aforfe për abonentët familjarë dhe jofamiljarë me matësa jashtë kushtit teknik

KONSTATON:

KESH sh.a. gjatë vitit kryen faturim aforfe edhe për abonentët familjarë që janë të pajisur me matje, por edhe për abonentët jofamiljarë. Për të pasur një rregull në lidhje me faturimin aforfe në të ardhmen, në rastet kur matësat janë të dëmtuar apo jashtë kushteve teknike, në zbatim të ligjit nr.9072 datë 22.05.2003 "Për sektorin e energjisë elektrike" neni 8 pika 2 germa "b" dhe neni 26 pika 1 Bordi i Komisionerëve të ERE-s,

VENDOSI:

Në rastet kur KESH sh.a. konstaton se matësi i abonentit familjarë është i dëmtuar apo jashtë kushtit teknik për të realizuar një matje të saktë, e bën faturimin duke u bazuar në mesataren mujore të faturimit me matje të 3 muajve respektiv të vitit të mëparshëm.

Në rastet kur KESH sh.a. konstaton se matësi i abonentit jofamiljarë është jashtë kushtit teknik për të realizuar një matje të saktë, e bën faturimin duke u bazuar në konsumin mesatar mujor të faturuar me matje të 3 muajve të fundit.

Në rastet kur KESH sh.a. konstaton se matësi i abonentit jofamiljarë është i dëmtuar, e bën faturimin duke u bazuar në fuqinë e instaluar dhe koeficientin të shfrytëzimit ditor të kësaj fuqie.

Periodha e faturimit aforfe në këto raste të jetë jo më shumë se një muaj.

Ngarkohet KESH sh.a. për zbatimin e këtij vendimi.

Ky vendim hyn në fuqi menjëherë dhe botohet ne Fletoren Zyrtare.

KRYETARI I ERE-S
Pjetër Dema

Fletorja Zyrtare gjendet:

Duke u abonuar për çdo vit pranë:

- çdo njësie postare të qyteteve;
 - pranë Qendrës së Publikimeve Zyrtare;
- Bulevardi Zhan d'Ark, pranë ish-ekspozitës "Shqipëria Sot".

Pranë Qendrës së Publikimeve Zyrtare mund të gjeni:

LISTA E BOTIMEVE TË AZHURNUARA DERI NË JANAR 2004

1.	KUSHTETUTA	600
2.	KODI I PROCEDURËS CIVILE	500
3.	KODI I PROCEDURËS PENALE	600
4.	KODI PENAL	400
5.	KODI I PUNËS	500
6.	KODI I FAMILJES	450
7.	KODI CIVIL	1000
8.	KODI RRUGOR DHE LIGJ PËR TRANSPORTIN	900
9.	KODI ZGJEDHOR	355
10.	DISPOZITA ZBATUESE TË KODIT RRUGOR	1500

PËRMBLEDHJE LEGJISLACIONI

11.	PËRMBLEDHJE E LEGJISLACIONIT NË FUSHËN E PËRMBARIMIT	800
12.	PËRMBLEDHJE E LEGJISLACIONIT NË FUSHËN E PROKURIMIT PUBLIK	1000

BOTIME TË REJA

13.	KODI I PROCEDURAVE ADMINISTRATIVE	500
14.	PËRMBLEDHJE LEGJISLACIONI PËR NËPUNËSIN CIVIL	600

DOLI NGA SHTYPI

PËRMBLEDHJE NË FUSHËN E TAKSAVE DHE TATIMEVE	1500
PËRMBLEDHJE NË FUSHËN E DREJTËSISË	400

Doli nga shtypi më 28.10.2004

Tirazhi: 4500 copë	Formati: 60x88/8
--------------------	------------------

Shtypshkronja Grafon
Tiranë, 2004

Çmimi 150 lekë